

三國志

卷三



91385

四大奇書第一種卷之八

聖嘆外書

第十五回

太史慈酣鬪小霸王

孫伯符大戰嚴白虎

茂苑毛宗崗序始氏評



呂布襲兖州而曹操卒復兖州。呂布襲徐州而劉備不能復徐州。非備之才不如而實勢不如也。本是呂布依劉備。今反成劉備。依呂布。客轉為主。主轉為客。備之遇亦艱矣哉。

第一才子書

卷八

孫策信太史慈而慈亦不欺孫策。英雄心事如青天白日。所以能相與有成耳。若劉備不聽曹操而殺呂布。呂布乃聽袁術而欲攻劉備。及為袁術所欺。而後召劉備。何無信義。乃爾翼德之欲殺之。可謂知人翼德非莽人也。

玉璽得而孫堅亡。玉璽失而孫策霸。甚矣玉璽之無關重輕也。成大業者以收人才。結民心為寶。而玉璽不與焉。堅之匿之不若策之棄之。策之英雄殆過其父。

或曰孫策如此英雄。何不先擊劉表以報父讐。予曰。脚頭不立定。未可報讐。脚頭纔立定。亦未可報讐。曹操初得兖州。而遽擊陶謙。則呂布旋議其後。劉備未定巴蜀。而遽攻曹操。則關張不能為功。固籌之熟矣。

前卷敘曹氏立國之始。此卷敘孫氏開國之由。兩家已

各自成一局面而劉備則尚熒熒無依然繼漢正統者  
備也故前卷以劉備結此卷以劉備起敘兩家必夾敘  
劉備蓋既以備爲正統則敘劉處文雖少是正文敘孫  
曹處文雖多皆旁文於旁文之中帶出正文如草中之  
蛇於彼見頭於此見尾又如空中之龍於彼見鱗於此  
見爪記事之妙無過於是今人讀三國志而猶欲別讀  
稗官則是未嘗讀三國志也

却說張飛拔劍要自刎立德向前抱住奪劍擲地曰古人云  
兄弟如手足妻子如衣服衛風云綠兮衣兮綠衣黃裏從來衣服比妻子衣服破尚  
可縫手足斷安可續但聞人有繼妻不聞有繼兄繼弟吾三人桃園結義不  
求同生但愿同死今雖失了城池家小安忍教兄弟中道而

第一才子書

卷八

二

亡。況城池本非吾有識時達勢語家眷雖被陷呂布必不謀害尚

可設計救之賢弟一時之誤何至遽欲捐生耶今之困妯娌不睦而致兄

弟不睦者多矣同胞且然何況異姓觀立德數語勝讀棠棣一篇說罷大哭關張俱感泣且

說袁術知呂布襲了徐州星夜差人至呂布處許以糧五萬

斛馬五百疋金銀一萬兩綵緞一千疋使夾攻劉備袁術前既不納

呂布今又交通布喜令高順領兵五萬襲立德之後前曾爲其所拒

不但無義亦無氣立德聞得此信乘陰雨徹兵棄盱眙而

走思欲東取廣陵比及高順軍來立德已去高順與紀靈相

見就索所許之物靈曰公且回軍容某見主公計之高順乃

別紀靈回軍見呂布具述紀靈語布正在遲疑忽有袁術書

至書意云高順雖來而劉備未除且待捉了劉備那時方以

所許之物相送。前之所許竟似布怒罵袁術失信欲起兵伐

之陳宮曰不可術據壽春兵多糧廣不可輕敵不如請玄德

還屯小沛使爲我羽翼他日令玄德爲先鋒那時先取袁術

後取袁紹可縱橫天下矣布聽其言令人賫書迎玄德回忽

攻之忽欲迎之却說玄德引兵東取廣陵被袁術劫寨折兵

大半回來正遇呂布之使呈上書劄玄德大喜關張曰呂布

乃無義之人不可信也玄德曰彼既以好情待我奈何疑之

遂來到徐州此在他人決不肯布恐玄德疑惑先令人送還

家眷甘糜二夫人見玄德具說呂布令兵把定宅門禁諸人

不得入又常使侍妾送物未嘗有缺玄德謂關張曰我知呂

布必不害我家眷也乃入城謝呂布張飛恨呂布不肯隨往

第一才子書

卷八

三

先奉二嫂往小沛去了玄德入見呂布拜謝呂布曰吾非欲

奪城因令弟張飛在此恃酒殺人恐有失事故來守之耳謝

玄德曰備欲讓兄久矣布假意仍讓玄德玄德力辭還屯小

沛住劄本是呂布寄寓於劉備今反弄成劉備關張心中不

忿玄德曰屈身守分以待天時不可與命爭也能屈然後能

呂布令人送糧米緞疋自此兩家和好不在話下却說袁術

大宴將士於壽春人報孫策征廬江太守陸康得勝而回術

喚策至策拜於堂下問勞已畢便令侍坐飲宴此處接寫孫

袁術堂下趨踰拜坐令人不解其原來孫策自父喪之後退

居江南禮賢下士後因陶謙與策母舅丹陽太守吳景不和

策乃移母并家屬居於曲阿自己却投袁術術甚愛之常嘆

曰使術有子如孫郎死復何恨因使爲懷義校尉引兵攻涇

縣太師祖郎得勝術見策勇復使攻陸康今又得勝而回補

簡當日筵散策歸營寨見術席間相待之禮甚傲袁術與孫

待策之傲自以爲父執耳不知英雄固不論年堅同輩其

策雖少猶虎也術雖髮白不過一老牛而已心中鬱悶乃

步月於中庭因思父孫堅如此英雄我今淪落至此不覺放

聲大哭昔孫堅在洛陽時曾於月下揮淚今孫策在袁術處

亦於月下放聲一爲國事傷情一爲家聲發憤我有

一片心詐與天邊月忽見一人自外而入大笑曰伯符何故

如此尊父在日多曾用我君今有不決之事何不問我乃自

哭耶策視之乃丹陽故障人姓朱名治字君理孫堅舊從事

官也策收淚而延之坐曰策所哭者恨不能繼父之志耳得

英雄治曰君何不告袁公路借兵往江東假名救吳瓌實圖大

業而乃久困於人之下乎正商議間一人忽入曰公等所謀

吾已知之吾手下有精壯百人暫助伯符一馬之力策視其

人乃袁術謀士汝南細陽人姓呂名範字子衡袁術謀士爲

無成可知矣策大喜延坐共議呂範曰只恐袁公路不肯借兵策

曰吾有亡父留下傳國玉璽乃翁設誓抵賴以爲質當用之

璽換有用之範曰公路欲得此久矣袁術平日妄想却從

兵大有算計呂範口中補出妙以

此相質必肯發兵三人計議已定次日策人見袁術哭拜曰

父讐不能報今母舅吳瓌又爲揚州刺史劉繇所逼策老母

家小皆在曲阿必將被害先說報父讐實策敢借雄兵數千

渡江救難省親恐明公不信有亡父遺下玉璽權爲質當術

聞有玉璽取而視之大喜曰吾非要你玉璽今日權留在此

第一才子書

爲後文借我借兵三千馬五百匹與你平定之後可速回來

號張本你職位卑微難掌大權我表你爲折衝校尉殄寇將軍不但借得

兵馬兼得一箇大官尅日領兵便行策拜謝遂引軍馬帶領朱治呂範

舊將程普黃蓋韓當等擇日起兵行至歷陽見一軍到當先

一人姿質風流儀容秀麗見了孫策下馬便拜策視其人乃

廬江舒城人姓周名瑜字公瑾孫策是小霸王此原來孫堅人亦小范增也

討董卓之時移家舒城瑜與孫策同年交情甚密因結爲昆

仲策長瑜兩月瑜以兄事策瑜叔周尚爲丹陽太守今往省

親不但同年亦且同志到此與策相遇策見瑜大喜訴以衷情瑜曰某

願施犬馬之力共圖大業策喜曰吾得公瑾大事諧矣便令

與朱治呂範等相見瑜謂策曰吾兄欲濟大事亦知江東有

第一才子書

卷八

五

二張乎一人薦出二人能成大事者必能薦賢策曰何爲二張

瑜曰一人乃彭城張昭字子布一人乃廣陵張紘字子綱二

人皆有經天緯地之才因避亂隱居於此吾兄何不聘之策

喜即便令人賞禮往聘俱辭不至有身分若呼之卽至者周瑜亦不薦之矣策乃

親到其家與語大悅力聘之二人許允策遂拜張昭爲長史

兼撫軍中郎將張紘爲參謀正議校尉商議攻擊劉繇却說

劉繇字正禮東萊牟平人也亦是漢室宗親太尉劉寵之姪

兖州刺史劉岱之弟舊爲揚州刺史屯於壽春被袁術趕過

江東故來曲阿敘明劉繇來歷當下聞孫策兵至急聚衆將商議部

將張英曰某領一軍屯於牛渚縱有百萬之兵亦不能近言

未畢帳下一人高叫曰某願爲前部先鋒衆視之乃東萊黃

縣人太史慈也慈自解了北海之圍後便來見劉繇繇留於帳下補應前文當日聽得孫策來到願爲前部先鋒繇曰你年尚輕未可爲大將袁術以年輕孫策劉繇亦以年輕太史慈術與繇是一流人只在吾左右聽命太史慈不喜而退張英領兵至牛渚積糧十萬於邸閣

孫策引兵到張英出迎兩軍會於牛渚灘上孫策出馬張英大罵黃蓋便出與張英戰不數合忽然張英軍中大亂報說寨中有人放火此放火者果何人耶事誠意外之文張英急回軍孫策引軍前來乘勢掩殺張英棄了牛渚望深山而逃原來那寨

後放火的乃是兩員健將一人乃九江壽春人姓蔣名欽字公奕一人乃九江下蔡人姓周名泰字幼平二人皆遭世亂聚人在洋子江中劫掠爲生久聞孫策爲江東豪傑能招賢

第一才子書 卷八 六  
納士故特引其黨三百餘人前來相投二人不待相投而後立功乃先立功而後相投來策大喜用爲車前校尉收得牛渚邸閣糧食軍器并降卒四千餘人遂進兵神亭却說張英敗回見劉繇繇怒欲

鎮江府 在 丹陽縣 界

斬之謀士笮融薛禮勸免使屯兵零陵城拒敵劉繇自領兵於神亭嶺南下營孫策於嶺北下營策問土人曰近山有漢光武廟否土人曰有廟在嶺上光武廟宜在洛陽奈何神亭嶺亦有之意者洛陽太廟焚毀而劉繇自以爲宗室乃立廟於此耶策曰吾夜夢光武召我相見當往祈之此日獨信夢兆何也長史張昭曰不可嶺南乃劉繇寨倘有伏兵奈何策曰神人佑我吾何懼焉遂披挂綽鎗上馬引程普黃蓋韓當蔣欽周泰等共十三騎出寨上嶺到廟焚香下馬參拜已畢策向前跪祝曰若孫策能於江東立業復興故

父之基卽當重修廟宇四時祭祀卿自欲興孫家基業與劉

作對何反向漢室祖先致視也。小霸王家何與且正與劉家宗親

欲求神力助攻劉繇當之項羽廟而視之祝畢出廟上馬回

顧眾將曰吾欲過嶺探看劉繇寨柵諸將皆以為不可策不

從遂同上嶺南望村林早有伏路小軍飛報劉繇繇曰此必

是孫策誘敵之計不可追之太史慈踴躍曰此時不提孫策

更待何時遂不候劉繇將令竟自披挂上馬綽鎗出營大叫

曰有膽氣者都跟我來諸將不動惟有一小將曰太史慈真

猛將也吾可助之拍馬同行此小將惜不傳其名可眾將皆

笑燕雀笑却說孫策看了半晌方始回馬足見孫正行過嶺

只聽得嶺上叫孫策休走策回頭視之見兩匹馬飛下嶺來

策將十三騎一齊擺開策橫鎗立馬於嶺下待之儒雅太史

慈高叫曰那箇是孫策策曰你是何人答曰我便是東萊太

史慈也特來捉孫策策笑曰只我便是從容你兩箇一齊來

併我一箇我不懼你我若怕你非孫伯符也孫即獨戰太史

獨身挑戰者也慈曰你便眾人都來我亦不怕縱馬橫鎗直取孫策

策挺鎗來迎兩馬相交戰五十合不分勝敗程普等暗暗稱

奇在旁觀者眼中慈見孫策鎗法無半點兒滲漏乃佯輸詐

敗引孫策趕來慈却不由舊路上嶺竟轉過山背後策趕到

大喝曰走的不算好漢慈心中自忖這厮有十二從人我只

一箇便活捉了他也喫眾人奪去了不愁捉不得孫策只愁捉

策再引一程教這厮沒處方好下手於是且戰且走策那

第一才子書

之極

一鎗搦去，慈閃過，挾住鎗。慈也一鎗搦去，策亦閃過，挾住鎗。兩箇用力，只一拖都滾下馬來。殺得好看。馬不知走的那里去了。

不惟從人失散，且復愛喪其馬。兩箇棄了鎗，揪住厮打，成相識。戰袍扯得粉碎，策手快，掣了太史慈背上的短戟。慈亦掣了策頭上的兜鍪，策把戟來刺慈，慈把兜鍪遮架。策卽以慈之戟刺慈，慈亦卽以策之盔禦策，同是以

蔽治蔽同是忽然喊聲後起，乃劉繇接應軍到來，約有千餘人。我困我，策正慌急，程普等十二騎亦衝到，策與慈方纔放手。慈於軍中討了一匹馬，細取了鎗上馬，復來孫策的馬，却是程普收得。

細策亦取鎗上馬，劉繇一千餘軍和程普等十二騎混戰，透迤殺到神亭嶺下，喊聲起處，周瑜領軍來到。賴有此軍，接應不然，孫策亦輕身陷敵矣。獨不劉繇自引大軍殺下嶺來，時近黃昏，風

第一才子書

卷八

雨暴至，兩下各自收軍。若非風雨，慈策二人將直殺至天明矣。次日，孫策引軍

到劉繇營前，劉繇引軍出迎，兩陣圓處，孫策把鎗挑太史慈的小戟於陣前，令軍士大叫曰：太史慈若不是走的快，已被刺死了。太史慈亦將孫策兜鍪挑於陣前。前日虎牢關上挑孫堅赤幘，今日神

亭嶺下挑孫策兜鍪，可稱落帽世家也。令軍士大叫曰：孫策頭已在此，兩軍納喊這邊誇勝，那邊道強。太史慈出馬，要與孫策決箇勝負。策

遂欲出，程普曰：不須主公勞力，某自擒之。程普出到陣前，太史慈曰：你非我之敵手，只教孫策出馬來。程普大怒，挺鎗直

取太史慈，兩馬相交，戰到三十合，劉繇急鳴金收軍。太史慈曰：我正要捉拿賊將，何故收軍？劉繇曰：人報周瑜領軍襲取

曲阿，有廬江松滋人陳武字子烈接應，周瑜入去。此段事卽在劉繇口

中敘出。吾家基業已失，不可久留，速往秣陵，會薛禮、笮融軍，甚省筆。

馬急來，援應太史慈，跟着劉繇退軍。孫策不趕收住人馬，長史張昭曰：「彼軍被周瑜襲取，曲阿無戀戰之心。今夜正好劫營。」孫策然之。當夜分軍五路，長驅大進。劉繇軍兵大敗，衆皆四紛五落。太史慈獨力難當，引十數騎連夜投涇縣去了。却說孫策又得陳武爲輔，其人身長七尺，面黃睛赤，形容古怪。前只在劉繇口中述其事，今却在孫策眼中見其人，補敘得好。策甚敬愛之，拜爲校尉，使作先鋒攻薛禮。武引十數騎突入陣去，斬首級五十餘顆。只十數騎耳。斬首如此之多，足見其勇。薛禮閉門不敢出策，正攻城，忽有人報劉繇會合笮融去取牛渚。孫策大怒，自提大軍竟奔牛渚。劉繇、笮融二人出馬迎敵。孫策曰：「吾今到此，你如何不降？」劉繇背後

第一才子書

卷八

九

一人挺鎗出馬，乃部將干糜也。與策戰不三合，被策生擒過去，撥馬回陣。繇將樊能見捉了干糜，挺鎗來趕那鎗剛搦到策後心。策陣上軍士大叫：「背後有人暗算。」策回頭忽見樊能馬到，乃大喝一聲，聲如巨雷。樊能驚駭，翻身撞下馬來，破頭而死。策到門旗下，將干糜丟下，已被挾死。一霎時挾死一將，喝死一將，自此人皆呼孫策爲小霸王。忙中夾註一筆妙東今小霸王復霸江東，或霸王無面見江卽項羽後身亦未可知。當日劉繇兵大敗，人馬大半降策。策斬首級萬餘，劉繇與笮融走豫章投劉表去了。又走到孫策策還兵復攻秣陵，親到城壕邊招諭薛禮投降。城上暗放

一冷箭，正中孫策左腿，翻身落馬。衆將急救起，還營援箭，以金瘡藥傅之。策令軍中詐稱主將中箭身死。孫堅真被射死，孫策詐作射死

一真一假一死軍中舉哀拔琴齊起薛禮聽知孫策已死連

夜起城內之軍與驍將張英陳橫殺出城來追之忽然伏兵

四起孫策當先出馬高聲大叫孫郎在此孫策不死無異孫堅復生眾軍

皆驚盡棄鎗刀拜於地下策令休殺一人張英撥馬回走被

陳武一鎗刺死陳橫被蔣欽一箭射死薛禮死於亂軍之中

策入秣陵安輯居民移兵至涇縣來捉太史慈却說太史慈

招得精壯二千餘人并所部兵正要來與劉繇報讐孫策與

周瑜商議活捉太史慈之計瑜令三面攻縣只留東門放走

離縣二十五里三路各伏一軍太史慈到那里人困馬乏必

然被擒原來太史慈所招軍大半是山野之民不諳紀律然

雖有二千人原只

太史慈一人耳涇縣城頭苦不甚高當夜孫策命陳武短

第一才子書

衣持刀首先爬上城放火太史慈見城上火起上馬投東門

走背後孫策引軍來趕太史慈正走後軍趕至三十里却不

趕了太史慈走了五十里人困馬乏蘆葦之中喊聲忽起慈

急待走兩下里絆馬索齊來將馬絆翻了生擒太史慈解投

大寨策知解到太史慈親自出營喝散士卒自釋其縛將自

已錦袍衣之孫策為小霸王太史慈亦一小英雄也但項請

入寨中謂曰我知子義真丈夫也劉繇蠢輩不能用為大將

以致此敗貶駁劉繇驕然誇獎自己慈見策待之甚厚遂請降策執慈手

笑曰神亭相戰之時若公獲我還相害否慈笑曰未可知也

極似穿封成策大笑請入帳邀之上坐設宴款待慈曰劉君

對楚靈王語策大笑請入帳邀之上坐設宴款待慈曰劉君

新破士卒離心某欲自往收拾餘眾以助明公不識能相信

否策起謝曰此誠策所願也今與公約明日日中望公來還  
慈應諾而去諸將曰太史慈此去必不來矣策曰子義乃信  
義之士必不肯我衆皆未信次日立竿於營門以候日影恰  
將日中太史慈引一千餘衆到寨孫策大喜衆皆服策之知  
入有孫策之信太史慈乃有孫權於是有孫策聚數萬之衆下  
之信諸葛瑾弟正學其兄也江東安民恤衆投者無數  
江東安民恤衆投者無數江東之民皆呼策爲孫郎但聞孫  
郎兵至皆喪膽而走及策軍到並不許一人擄掠雞犬不驚  
人民皆悅賚牛酒到寨勞軍策以金帛答之權聲遍野項羽  
每欲屠城今小霸其劉繇舊軍願從軍者聽從不願爲軍者  
王絕勝老霸王矣勇而能仁尤爲難得  
給賞歸農江南之民無不仰頌由是兵  
勢大盛策乃迎母叔諸弟俱歸曲阿使弟孫權與周泰守宜

第一才子書

卷八

七

城孫權此處

方出頭策領兵南取吳郡時有巖白虎自稱東吳德王

據吳郡遣部將守住烏城嘉興當日白虎聞策兵至令弟嚴

輿出兵會於楓橋

孫郎既得陳武又得太史慈已有二虎何懼此一虎輿橫刀立馬於

橋上有人報入中軍策便欲出一將之勇有餘張紘諫曰夫

主將乃三軍之所繫命不宜輕敵小寇願將軍自重策謝曰

先生之言如金石但恐不親冒矢石則將士不用命耳隨遣

韓當出馬比及韓當到橋上時蔣欽陳武早駕小舟從河岸

邊殺過橋裏亂箭射倒岸上軍二人飛身上岸砍殺嚴輿退

走韓當引軍直殺到閭門下賊退入城裏去了策分兵水陸

並進圍住吳城一困三日無人出戰策引衆軍到閭門外招

諭城上一員裨將左手托定護梁右手指着城下大罵太史

音皮

論城上一員裨將左手托定護梁右手指着城下大罵太史

第一才子書

卷八

三

慈就馬上拈弓取箭，顧軍將曰：「看我射中這廝左手，說聲未絕，弓弦響處，果然射箇正中，把那將的左手射透，及牢釘在護梁上。」此將但會罵人，却城下城上人見者，無不喝采。城下而喝采，宜矣。城上人正當著急，如何衆人救了這人，下城白也。喝采，想蘇州人回應有此清興。

虎大驚曰：「彼軍有如此人，安能敵乎？」遂商量求和。次日使嚴輿出城來見孫策，策請輿入帳飲酒。酒酣，問輿曰：「今兄意欲如何？」輿曰：「欲與將軍平分江東。」策大怒曰：「鼠輩，安敢與吾相等。」彼自名曰虎策，命斬嚴輿。輿拔劍起身，策飛劍砍之，應手而倒，割下首級，令人送入城中。白虎料敵不過，棄城而走。策

進兵追襲黃蓋，攻取嘉興、太史慈，攻取烏城、數州。皆平。白虎奔餘杭於路劫掠。人遇孫家兵，如遇青龍，被土人凌操領鄉

人殺，敗望會稽而走。凌操父子二人來接孫策，策使爲從征校尉，遂同引兵渡江。嚴白虎聚寇分布於西津、渡口。程普與戰，復大敗之。連夜趕到會稽。會稽太守王朗欲引兵救白虎，忽一人出曰：「不可。孫策用仁義之師，白虎乃暴虐之衆，還宜擒白虎以獻孫策。」此言其當。朗視之，乃會稽餘姚人，姓虞，名翻，字仲翔。見爲郡吏，朗怒叱之，翻長嘆而出。朗遂引兵會合白虎。

同陳兵於山陰之野，兩陣對圓。孫策出馬，謂王朗曰：「吾與仁義之兵來安浙江，汝何故助賊？」朗罵曰：「汝貪心不足，既得吳郡，而又強併吾界。」今日特與嚴氏報讐。王朗亦一時名士，孫何不識奸友至此。孫

策大怒，正待交戰。太史慈早出，王朗拍馬舞刀與慈戰，不數合，副將周昕殺出助戰。孫策陣中黃蓋飛馬接住周昕交鋒。

兩下鼓聲大震，互相鏖戰。忽王朗陣後先亂，一彪軍從背後抄來。

來得

朗大驚，急回馬來迎。原來是周瑜與程普引軍刺

斜殺來。

孫郎每虧周郎接應，孫郎之功居多。

前後夾攻，王朗寡不敵衆，與白虎周斲殺條血路，走入城中，拽起吊橋，堅閉城門。孫策

大軍乘勢趕到城下，分布衆軍四門攻打。王朗在城中見孫

策攻城甚急，欲再出兵，決一死戰。嚴白虎曰：「孫策兵勢甚大，

足下只宜深溝高壘，堅壁勿出，不消一月，彼軍糧盡，自然退

走。那時乘虛掩之，可不戰而破也。」朗依其議，乃固守會稽城

而不出。

幾如勾踐之甲楯五千。

孫策一連攻了數日，不能成功，乃與衆

將計議。孫靜曰：「王朗負固守城，難可卒拔。」

音朔。會稽錢糧大半屯於查瀆，其地離此數十里，莫若以兵先據其內，所謂攻其無

備，出其不意也。

孫權有叔孫堅有弟。策大喜曰：「叔父妙用，足破賊人矣。」

卽下令於各門燃火，虛張旗號，設爲疑兵，連夜徹圍南去。周

瑜進曰：「主公大兵一起，王朗必出城來，趕可用奇兵勝之。」策

曰：「吾今準備下了，取城只在今夜。」遂令軍馬起行。

名取查瀆其意實在。會稽孫郎兵法頗妙，非徒勇也。却說王朗聞報，孫策軍馬退去，自引衆人來

敵樓上觀望，見城下烟火併起，旌旗不雜，心下持疑。周斲曰：

「孫策走矣，特設此計以疑我耳。」可出兵襲之。嚴白虎曰：「孫策

此去莫非要去查瀆，我引部兵與周將軍追之。」朗曰：「查瀆是

我屯糧之所，正須隄防。汝引兵先行，吾隨後接應。」白虎與周

斲領五千兵出城追趕。將近初更，離城二十餘里，忽密林裏一聲鼓響，火把齊明，白虎大驚，便勒馬回走。一將當先攔住。

查瀆地名在亭

波府定海縣

第一才子書

火光中視之。乃孫策也。周昕舞刀來迎。被策一鎗刺死。餘眾皆降。白虎殺條血路。望餘杭而走。王朗聽知前軍已敗。不敢入城。引部下奔逃海隅去了。孫策復回大軍。乘勢取了城池。安定人民。不隔一日。只見一人。將着嚴白虎首級來。孫策軍前投獻。策視其人。身長八尺。面方口濶。問其姓名。乃會稽餘姚人。姓董名襲。字元代。此人亦先立功。而後出姓名與前文一樣筆法。策喜命為別部司馬。自是東路皆平。令叔孫靜守之。令朱治為吳郡太守。收軍回江東。却說孫權與周泰守宣城。忽山賊竊發。四面殺至。時值更深。不及抵敵。泰抱權上馬。用刀來砍泰。赤體步行。提刀殺賊。砍殺十餘人。隨後一賊躍馬挺鎗。直取周泰。被泰扯住鎗。拖下馬來。奪了鎗馬。殺條血路。救出孫權。餘賊遠遁。

第一才子書

卷八

十四

周泰身被十二鎗。將安得不與。命在須臾。策聞之大驚。帳下董襲曰。某曾與海寇相持。身遭數鎗。得會稽一

箇賢郡吏。虞翻薦一醫者。半月而愈。因薦醫遂并薦一薦醫之人曲折之甚。策曰。虞翻莫非虞仲翔乎。襲曰。然。策曰。此賢士也。我當用之。急於

求醫更急。乃令張昭與董襲同往聘請。虞翻至。策優禮相待。拜為功曹。因言及求醫之意。先拜官而後問醫是為其賢於用賢。上而用之。非專托其請。醫生

也。翻曰。此人乃沛國譙郡人。姓華名陀。字元化。真當世之神醫也。當引之來見。不一日。引至。策見其人。童顏鶴髮。飄然有

出世之姿。華陀先於此處出現。乃待為上賓。請視周泰瘡。陀曰。此易事。耳。投之以藥。一月而愈。策大喜。厚謝華陀。遂進兵殺除山賊。

江南皆平。孫策分撥將士。守住各處隘口。一面寫表申奏朝

廷一面結交曹操。一面使人致書與袁術。取玉璽。却說袁術暗有稱帝之心。乃回書推托不還。孫堅匿璽而不出。袁術賴貨之在德不在鼎也。急聚長史楊大將都督張勳紀靈橋瑁。上將雷薄陳蘭等三十餘人商議曰。孫策借我軍馬起事。今日盡得江東地面。乃不思報本。而反來索璽。殊爲無禮。當以何策圖之。長史楊大將曰。孫策據長江之險。兵精糧廣。未可圖也。今當先伐劉備。此卷書以備始亦以備終。以報前日無故相攻之恨。然後圖取孫策。未遲。其獻一計。使備卽日就擒。正是。不去江東圖虎豹。却來徐郡鬪蛟龍。

不知其計若何。且聽下文分解。

### 第十六回

#### 第一才子書

卷八

十五

呂奉先射戟轅門。曹孟德敗師涪水。

操欲殺布而備出書以示布。術欲攻備而布亦射戟以救備。相報之道也。操因備之不殺布而使構怨於術。術因布之不攻備而遂求婚於布。相取之謀也。以相報之道言之。布在玄德度內。以相取之謀論之。術亦在孟德算中。

嘗縱觀春秋時事。婚姻每爲敵國。辰嬴在晉而秦嘗伐晉。穆姬在秦而晉嘗絕秦。况呂布不有其父。何有其婿。袁術不有其同族之兄。何有於異姓之戚。安在疎不聞親耶。或解之曰。天下儘有於父母則背之。於兒女則摳之者。於兄弟則背之。於外戚則親之者。人情顛倒。往往

如是此固陳宮之所必欲勸而陳珪之所必欲爭耳。毛遂對楚王曰合縱爲楚非爲趙呂布恐袁術取小沛則徐州危其勸和也爲已非爲備也張儀勸楚絕齊歡而楚遂爲秦所弱陳珪恐袁呂之交合則不利於劉亦不利於曹其勸絕也亦爲劉爲曹而非爲布也惟布本不爲備故奪馬求和便不許備而射戟之時口口爲備矜德色于備一似助備無有如布者珪不惟不爲布方父子同謀以圖布而絕婚之謀口口爲布諄諄愛布一似效忠于布無有如珪者三國志有戰國策之譎而戰國策無三國志之巧真絕世妙文哉。

操之忌備前旣欲使呂布圖之後又使袁術攻之而決

第一才子書

卷八

十六

不肯自殺之者要推惡人與別人做蓋以其爲人望所歸而不欲使吾有害賢之名也此等奸雄奸到絕頂僉父不解讀書至此失聲嘆曰曹操亦有好處此真爲曹操所笑矣。

董卓愛婦人曹操亦愛婦人乃卓死於布而操不死千繡何也曰卓之死爲失心腹猛將之心操之不死爲得心腹猛將之助也與亡成敗止在能用人與否耳豈在好色不好色哉吳王不用子胥雖無西施亦亡吳王能用于胥雖有西施何害袁中郎先生作靈岳記曰先齊有好內之桓公仲父云無害霸蜀宮無傾國之美人劉禪竟爲俘虜此千古風流妙論。

摹寫典章以死拒敵淋漓痛快令人讀之凜凜有生氣是篇中出色處

却說楊大將獻計欲攻劉備袁術曰計將安出大將曰劉備

軍屯小沛雖然易取奈呂布虎踞徐州前次許他金帛糧馬

至今未與恐其助備今當令人送與糧食以結其心前番是

現使其按兵不動則劉備可擒先擒劉備後圖呂布徐州可

得也術喜便具粟二十萬斛令韓胤齎密書往見呂布後先送

呂布甚喜賴物便怒得物便喜真如小兒重待韓胤胤回告袁術術遂遣紀

靈為大將雷薄陳蘭為副將統兵數萬進攻小沛玄德聞知

此信聚衆商議張飛要出戰孫乾曰今小沛糧寡兵微如何

抵敵可修書告急於呂布張飛曰那厮如何肯來玄德曰乾

第一才子書

卷八

七

之言善遂修書與呂布書畧曰

伏自將軍垂念令備於小沛容身實拜雲天之德今袁術

欲報私讐遣紀靈領兵到縣亡在旦夕非將軍莫能救望

驅一旅之師以救倒懸之急不勝幸甚

呂布看了書與陳宮計議曰前者袁術送糧致書蓋欲使我

不救玄德也今玄德又來求救吾想玄德屯軍小沛未必遂

能為我害若袁術併了玄德則北連泰山諸將以圖我我不

能安枕矣不若救玄德遂點兵起程呂布從來沒主張却說

紀靈起兵長驅大進已到沛縣東南劉下營寨晝列旌旗遮

映山川夜設火鼓震明天地形容得玄德縣中止有五千餘

人也只得勉強出縣布陣安營忽報呂布引兵離縣一里西

南上劉下營寨紀靈知呂布領兵來救劉備急令人致書于呂布責其無信袁術先會無信今陰呂布不得布笑曰我有一計使袁劉兩

家都不怨我乃發使往紀靈劉備寨中請二人飲宴此非飲欲以孟酒釋兵權耶奇絕玄德聞布相請即便欲往關張曰兄長不可去

呂布必有異心玄德曰我待彼不薄彼必不害我遂上馬而行去得有膽關張隨往到呂布寨中入見布曰吾今特解公之危

且不明言解危之法妙異日得志不可相忘樓相照玄德稱謝布請玄德坐關張拔劍立於背後人報紀靈到玄德大驚欲避之布

曰吾特請你二人來會議勿得生疑玄德未知其意心下不安紀靈下馬入寨却見玄德在帳上坐大驚抽身便回同是

紀靈尤甚左右留之不住呂布向前一把扯回如提童稚數萬之衆而以

童稚將之關張兵靈曰將軍欲殺紀靈耶此句着布曰非也雖少不足懼也

靈曰莫非殺大耳兒乎此句又過布曰亦非也靈曰然則為何布曰玄德與布乃兄弟也今為將軍所困故來救之且不明言

救之之法妙靈曰若此則殺靈也此句更着布曰無有此理布平生不好鬪惟好解鬪吾今為兩家解之絕似今日靈曰請問

解之之法未入門先請布曰吾有一法從天所決且只含此妙乃拉靈入帳與玄德相見兩人不以兵戎相二人各懷疑

忌布乃居中坐使靈居左備居右右是大阿哥身分且教設

宴行酒今大阿哥慣要備酒替人和事蓋有所觀觀于其間

矣酒行數巡布曰你兩家看我面上俱各罷兵只如此玄德

無語靈曰吾奉主公之命提十萬之兵專捉劉備如何罷得

張飛大怒拔劍在手叱曰吾雖兵少觀汝輩如兒戲耳呂布  
如童稚則張飛你比百萬黃巾何如你敢傷我哥哥有玄德  
觀之如兒戲矣飛之發作關公急止之曰且看呂將軍如何主意那時各回  
營寨未遲有張公之發作少不得關公之勸解做好  
呂布曰我請你兩家解圍須不教爾是和人聲口這邊紀靈  
不忿那邊張飛只要情景廝殺逼真布大怒教左右取我戟來布  
提書戟在手紀靈玄德盡皆失色本是解和却故布曰我勸  
你兩家不要廝殺盡在天命令左右接過書戟去轅門外遠  
遠插定乃回顧紀靈玄德曰轅門離中軍一百五十步吾若  
一箭射中戟小枝你兩家罷兵方說出解如射不中你各自  
回營安排廝殺有不從吾言者併力拒之難爲了燕將只爲

第一才子書

卷八

五

得一邊不若呂奉先轅門射箭紀靈私付戟在一百五十步  
却不難爲紀靈是兩邊都爲紀靈私付戟在一百五十步  
之外安能便中且落得應允待其不中那時憑我廝殺度其  
未必便一口許諾玄德自無不允布都教坐再各飲一盃酒  
中讀者至此將拭目觀射矣酒畢布教取弓箭來玄德暗祝曰  
却偏教再飲酒頓跌絕妙酒畢布教取弓箭來玄德暗祝曰  
只願他射得中便好寫兩人心事如畫只見呂布挽起袍袖  
搭上箭扯滿弓叫一聲着正是弓開如秋月行天箭去似流  
星落地絕妙一箭正中書戟小枝帳上帳下將校齊聲喝采  
讀者至此讀者至此亦爲喝采後人有詩贊之曰

溫侯神射世間稀 會向轅門獨解危 落日果然欺后羿

號猿直欲勝由基 虎筋弦響弓開處 雕翎翎飛箭到時

豹子尾搖穿畫戟 雄兵十萬脫征衣

當下呂布射中畫戟小枝呵呵大笑其意實擲弓于地執紀靈

玄德之手曰此天令你兩家罷兵也應前從天所決喝教軍

士斟酒來各飲一大觥處處夾玄德暗稱慙愧應前暗紀靈

默然半晌應前告布曰將軍之言不敢不聽奈紀靈回去主

人如何肯信布曰吾自作書覆之便了一枝箭消繳酒又數

巡紀靈求書先回布謂玄德曰非我則公危矣玄德拜謝與

關張回次日三處軍馬都散不說玄德入小沛呂布歸徐州

却說紀靈回淮南見袁術說呂布轅門射戟解和之事呈上

書信袁術大怒曰呂布受吾許多糧米正項軍糧且不肯發

豈不今白送落二十萬斛着惱反以此兒戲之事偏護劉備吾當自提重兵親征劉備

兼討呂布紀靈曰主公不可造次呂布勇力過人一把如提

第一才子書

卷八

三

實親領兼有徐州之地若布與備首尾相連不易圖也靈

聞布妻嚴氏有一女年已及笄主公有一子可令人求親於

布布若嫁女於主公必殺劉備此乃疎不問親之計也賄賂

變為讐敵不便變為婚姻愈出愈奇袁術從之即日遣

韓胤為媒齎禮物往徐州求親胤到徐州見布稱說主公仰

慕將軍欲求令愛為兒婦永結秦晉之好布入謀於妻嚴氏

原來呂布有二妻一妾先娶嚴氏為正妻後取貂蟬為妾及

居小沛時又娶曹豹之女為次妻曹氏先亡無出貂蟬亦無

所出唯嚴氏生一女布最鍾愛補敘當下嚴氏對布曰吾聞

袁公路久鎮淮南兵多糧廣早晚將為天子稱帝伏筆若成

大事則吾女有后妃之望只不知他有幾子確是婦人聲布曰止

有一子，妻曰：「既如此，即當許之。」縱不為皇后，吾徐州亦無憂矣。人家婚姻多憑婦人作主。布意遂決，厚款韓胤，許了親事。韓胤回報袁術，術即備聘禮，仍令韓胤送至徐州。呂布受了設席相待，留于館驛安歇。次日，陳宮竟往館驛內拜望韓胤。又一箇幫做講禮畢，坐定，宮乃叱退左右，對胤曰：「誰獻此計？」胤曰：「袁公與奉先聯姻，意在取劉玄德之頭乎？」道破胤失驚起謝曰：「乞公臺勿洩。」宮曰：「吾自不洩，只恐其事若遲，必被他人識破。」事將中變。為後陳珪說呂布絕婚伏線胤曰：「然則奈何？」願公教之。宮曰：「吾見奉先使其即日送女就親，何如一箇方來下聘？」胤大喜，稱謝曰：「若如此，袁公感佩明德不淺矣。」宮遂辭別韓胤，入見呂布曰：「聞公女許嫁袁公路，甚善，但不知於何日結親？」布

第一才子書

曰：「尚容徐議。」宮曰：「古者自受聘至成婚之期，各有定例。天子一年，諸侯半年，大夫一季，庶民一月。布曰：「袁公路天賜國寶，映帶玉璽好早晚當為帝。今從天子例可乎？」是何言與與嚴宮曰：「不可。」布曰：「然則仍從諸侯例。」宮曰：「亦不可。」及一季布笑曰：「公豈欲吾依將從卿大夫例矣。」宮曰：「亦不可。」庶民例耶宮曰：「非也。」然則并一月亦等不及矣布曰：「然則公意欲如何？」宮曰：「方今天下，諸侯互相爭雄，今公與袁公路結親，諸侯保無有嫉妒者乎？」若復遠擇吉期，或竟乘我良辰，伏兵半路，以奪之，如之奈何？」其言亦殊動聽為今之計，不許便休。既已許之，當趁諸侯未知之時，即便送女到壽春，求我庶士，另居別館然後擇吉成親，萬無一失也。布喜曰：「公臺之言甚當，遂入告嚴氏，連

夜具辦妝奩收拾寶馬香車令宋憲魏續一同韓胤送女前去鼓樂喧天送出城外諺云朝種樹晚乘涼時陳元龍之父

陳珪養老在家聞鼓樂之聲遂問左右左右告以故珪曰此

乃疎不問親之計也玄德危矣遂扶病來見呂布為呂者左袒陳宮是

也為劉者左袒陳珪是也布曰大夫何來珪曰聞將軍死至特來弔喪故

驚人語婚喪賈布驚曰何出此言珪曰前者袁公路以金帛

送公欲殺劉玄德而公以射戟解之今忽來求親其意蓋欲

以公女為質賈物猶可質人不堪質子猶可質女不堪隨後就來攻玄德而取小

沛小沛亡徐州危矣且彼或來借糧或來借兵公若應之是

疲於奔命而又結怨於人若其不允是棄親而啓兵端也言

術將攻徐州况聞袁術有稱帝之意是造反也彼若造反則公乃

反賊親屬矣得無為天下所不容乎言天下皆將攻徐州布大驚曰陳

宮誤我急命張遼引兵追趕至三十里之外將女捨歸高祖

錯印正見其有決斷呂布送婚奪婚正見其無主張連韓胤都拏回監禁不放歸去非

待媒却令人回復袁術只說女兒妝奩未備俟備畢便自送

來陳珪又說呂布使解韓胤赴許都惡極妙極又布猶豫

未決忽人報玄德在小沛招軍買馬不知何意布曰此為將

者本分事何足為怪正話間宋憲魏續至告布曰我二人奉

明公之命往山東買馬買得好馬三百餘匹回至沛縣界首

被強寇劫去一半打聽得是劉備之弟張飛詐妝山賊搶劫馬匹去了此是醒時奪的不是使酒呂布聽了大怒隨卽點兵往小沛來

關張飛玄德聞知大驚慌忙領軍出迎兩陣圍處玄德出馬

曰兄長何故領兵到此布指罵曰我轅門射戟救你大難你何故奪我馬匹玄德曰備因缺馬令人四下收買安敢奪兄馬匹布曰你便使張飛奪了我好馬一百五十四尚自抵賴張飛挺鎗出馬曰是我奪了你好馬你今待怎麼快人快語布罵曰環眼賊你累次渺視我飛曰我奪你馬你便惱你奪我哥哥的徐州便不說了妙妙其言又快直又公平布挺戟出馬來戰張飛飛亦挺鎗來迎兩箇酣戰一百餘合未見勝負玄德恐有疎失急鳴金收軍入城呂布分軍四面圍定玄德喚張飛責之曰都是你奪他馬匹惹起事端如今馬匹在何處飛曰都寄在各寺院內玄德隨令人出城至呂布營中說情願送還馬匹兩相罷兵布欲從之陳宮曰今不殺劉備久後必爲所害伏

第一才子書

卷八

三

許都今隸州城府

白門樓之事布聽之不從所請攻城愈急玄德與糜竺孫乾商議孫乾曰曹操所恨者呂布也不若棄城走許都投奔曹操借軍破布此爲上策玄德曰誰可當先破圍而出飛曰小弟情愿死戰玄德令飛在前雲長在後自居於中保護老小當夜三更乘着月明出北門而走正遇宋憲魏續被翼德一陣殺退得出重圍後面張遼趕來關公敵住呂布見玄德去了也不來趕隨即入城安民令高順守小沛自己仍回徐州去了玄德既失徐州又失小沛雖皆因翼德起釁然實陳宮構之也却說玄德前奔許都到城外下寨先使孫乾來見曹操言被呂布追逼特來相投操曰玄德與吾兄弟也奸便請入城相見次日玄德留關張在城外甚自帶孫乾糜竺入見操操待以上賓之禮甚玄德備訴呂布

之事。操曰：布乃無義之輩，吾與賢弟併力誅之。又是一箇呼

德此時不在側也。玄德稱謝，操設宴相待。至晚，送出荀彧，入見曰：劉

備英雄也。今不早圖，後必為患。操不荅，或出郭嘉入，操曰：荀

彧勸我殺立德，當如何？嘉曰：不可。主公興義兵，為百姓除暴

惟仗信義，以招俊傑，猶懼其不來也。今立德素有英雄之名，

以困窮而來投，若殺之，是害賢也。天下智謀之士，聞而自疑

將裹足不前。主公誰與定天下乎？夫除一人之患，以阻四海

之望，安危之機，不可不察。數語非為劉備實為曹操操大喜曰：君言正合

吾心。次日，即表薦劉備領豫州牧。程昱諫曰：劉備終不為人

之下，不如早圖之。操曰：方今正用英雄之時，不可殺一人，而

失天下之心。此郭奉孝與吾有同見也。操非不欲殺備，但欲使呂布殺之，袁術殺

之必不欲自殺之也。遂不聽昱言，以兵三千糧萬斛，送與玄德，使

往豫州。到任，進兵屯小沛，招集原散之兵，攻呂布。玄德至豫

州，令人約會曹操，操正欲起兵，自往征呂布。忽流星馬報說

張濟自關中引兵攻南陽，為流矢所中而死。濟姪張繡統其

眾，用賈詡為謀士，結連劉表屯兵宛城，欲與兵犯關，奪駕。補

處如奇操大怒，欲與兵討之。又恐呂布來侵許都，乃問計于

荀彧，或曰：此易事耳。呂布無謀之輩，見利必忘，明公可遣使

往徐州，加官賜賞，令與立德解和。荀彧前欲使二人相聞，今又欲使二人相和，變幻百

出。布喜，則不思遠圖矣。操曰：善。遂差奉軍都尉王則齎官詔

併和解書，往徐州去說。一面起兵十五萬，親討張繡，分軍三

路而行。以夏侯惇為先鋒，軍馬至清水下寨。賈詡勸張繡曰：

宛城縣  
名今屬  
河南府  
壽甯縣

清水名  
有城

卷八

三四

操兵勢大不可與戰不如舉衆投降張繡從之使賈詡至操

寨通款操見詡應對如流甚愛之欲用為謀士詡曰某昔從

李傕得罪天下自知今從張繡言聽計從未忍棄之為下文

張本乃辭去次日引繡來見操操待之甚厚引兵入宛城屯劄

餘軍分屯城外寨柵聯絡十餘里一連數日繡每日設宴請

操一日操醉退入寢所私問左右曰此城中有妓女否因酒

阿瞞頗操之兄子曹安民知操意乃密對曰昨晚小姪在子

館舍之側有一婦人生得十分美麗問之即繡叔張濟之妻

也取人叔之妻以媚操聞言便令安民領五十甲兵往取之

須臾取到軍中以軍中操見之果然美麗問其姓婦荅曰妾

乃張濟之妻鄒氏也操曰夫人識吾否鄒氏曰久聞丞相威

第一才子書卷八

名今夕幸得瞻拜見此良人操曰吾為夫人故特納張繡之

降不然滅族矣忽將大人情實與婦鄒氏拜曰實感再生之

恩操曰今日得見夫人乃天幸也今宵願同枕席隨吾還都

安享富貴何如醜鄒氏拜謝是夜共宿於帳中郭汜之妻姬

皆黨惡之報鄒氏曰久住城中繡必生疑亦恐外人議論操曰明

日同夫人去寨中住可稱壓次日移于城外安歇喚典章就

中軍帳房外宿衛他人非奉呼喚不許輒入因此內外不通

操每日與鄒氏取樂不想歸期奸雄如操至此亦流連張繡

家人密報繡繡怒曰操賊辱我太甚張繡尚有廉恥若使愛

繼叔矣便請賈詡商議詡曰此事不可漏洩來日等操出帳議

事如此如此次日操坐帳中張繡入告曰新降兵多有逃亡

者乞移屯中軍操許之繡乃移屯其軍分爲四寨刻期舉事  
賈詡之謀甚細密因畏典韋勇猛急切難近乃與偏將胡車兒商議

那胡車兒力能負五百觔日行七百里亦異人也當下獻計

于繡曰典韋之可畏者雙鐵戟耳主公明日可請他來吃酒

使盡醉而歸那時某便溜入他跟來軍士數內偷入帳房先

盜其戟此人不足畏矣既請吃酒何不便于酒中置毒既可

刺曹操取車兒計不及繡甚喜預先準備弓箭甲兵告示各

寨至期令賈詡致意請典韋到寨懇懃待酒至晚醉歸胡車

兒雜在衆人隊裏直入大寨只敘得是夜曹操于帳中與鄒

氏飲酒忽聽帳外人言馬嘶捉好的操使人觀之回報是張

繡軍夜巡操乃不疑時近二更忽聞寨後吶喊報說草車上

第一才子書 卷八 三六  
火起操曰軍人失火勿得驚動不是軍人失火只須臾四下

裏火起操始着急喚典韋韋方醉臥睡夢中聽得金鼓喊

殺之聲便跳起身來却尋不見了雙戟暗補車兒偷時敵兵

已到轅門韋急掣步卒腰刀在手只見門首無數軍馬各挺

長鎗搶入寨來韋奮力向前砍死二十餘人馬軍方退步軍

又到兩邊鎗如葦列葦身無片甲上下被數十鎗兀自死戰

刀砍缺不堪用韋卽棄刀雙手提着兩箇軍人迎敵以雙

大擊死者八九人真可謂以羣賊不敢近只遠遠以箭射之

箭如驟雨韋猶死拒寨門爭奈寨後賊軍已入韋背上又中

一鎗乃大叫數聲血流滿地而死死了半晌還無一人敢從

前門而入者死典韋足拒生賊軍却說曹操賴典韋當住寨門乃得從

寨後上馬逃奔，只有曹安民步隨。操右臂中了一箭，馬亦中

了三箭，虧得那馬是大宛良馬，熬得痛走，得快剛剛走到涪

水河邊，賊兵追至，安民被砍為肉泥。馬泊六操急驟馬衝波

過河，纔上得岸，賊兵一箭射來，正中馬眼，那馬撲地倒了。操

長子曹昂，即以已所乘之馬奉操，操上馬急奔，曹昂却被亂

箭射死。愛將愛子皆死操乃走脫。自己便走脫，只不知路逢

諸將收集殘兵，時夏侯惇所領青州之兵乘勢下鄉，劫掠民

家，平虜校尉于禁，即將本部軍于路勦殺安撫鄉民。為民殺

將青州兵走回，迎操泣拜于地，言于禁造反，趕殺青州軍馬

操大驚，須臾夏侯惇、許褚、李典、樂進都到，操言于禁造反，可

整兵迎之，却說于禁見操等俱到，乃引軍射住陣角，鑿塹安

第一才子書 卷八 三

營。嚴如對敵者或告之曰：青州軍言將軍造反，今丞相已到，何不

分辯，乃先立營寨。耶于禁曰：今賊追兵在後，不時即至，若不

先準備，何以拒敵。分辯小事，退敵大事。是敵正安營方畢，張

繡軍兩路殺至，于禁身先出寨迎戰，繡急退兵，左右諸將見

于禁向前，各引兵擊之，繡軍大敗，追殺百餘里，繡勢窮力孤，

引敗兵投劉表去了。為後伏線曹操收軍點將，于禁入見，備言青

州之兵肆行劫掠，大失民望，某故殺之。操曰：不告我先下寨，

何也？禁以前言對，操曰：將軍在匆忙之中，能整兵堅壘，任諒

任勞，使反敗為勝，雖古之名將，何以加茲？乃賜以金器一副，

封益壽亭侯。責夏侯惇治兵不嚴之過。治兵不嚴，雖猛將如

逃其責况不，又設祭祭典章，操親自哭而奠之，顧謂諸將曰：

得惇者乎？

吾折長子愛姪俱無深痛獨號泣典韋也。此是曹操得人心處然必用自說便

知其衆皆感嘆次日下令班師不說曹操還兵許都且說王

則齎詔至徐州布迎接入府開讀詔書封布為平東將軍特

賜印綬又出操私書王則在呂布面前極道曹公相敬之意

布大喜忽報袁術遣人至布喚入問之使言袁公早晚即皇

帝位立東宮催取皇妃早到淮南布大怒曰反賊焉敢如此

遂殺來使將韓胤用柳釘了。真獨桌請媒人矣陳宮亦當陪喫一桌遣陳登齎

謝表解韓胤一同王則上許都來謝恩且答書于操欲求實

授徐州牧操知布絕婚袁術大喜遂斬韓胤于市曹陳登密

諫操曰呂布豺狼也勇而無謀輕於去就。八字定評宜早圖之操

曰吾素知呂布狼子野心誠難久養非公父子莫能究其情

第一才子書

卷八

三

公當與吾謀之登曰丞相若有舉動某當為內應。為後賺呂布張本

操喜表贈陳珪致中二千石登為廣陵太守登辭回操執登

手曰東方之事便以相付登點頭允諾回徐州見呂布布問

之登言父贈祿某為太守布大怒曰汝不為吾求徐州牧而

乃自求爵祿汝父教我協同曹公絕婚公路今吾所求終無

一獲而汝父子俱各顯貴吾為汝父子所賣耳遂拔劍欲斬

之登大笑曰將軍何其不明之甚也。從容之極布曰吾何不明登

曰吾見曹公言養將軍譬如養虎當飽其肉不飽則將噬人

曹公笑曰不如卿言吾待溫侯如養鷹耳狐兔未息不敢先

飽餓則為用飽則颺去。張良以韓信彭越英布為虎以絳灌

等諸將為鷹此即借用其語明是陳

登現某問誰為狐兔曹公曰淮南袁術江東孫策冀州袁紹

荆襄劉表。此四人前益州劉璋。漢中張魯。此二人前文未見  
文已見。皆孤兔也。布擲劍笑曰：曹公知我也。人癡正說話間，忽報

袁術軍取徐州，呂布開言失驚，正是

秦晉未諧，吳越鬧，婚姻惹出甲兵來。

畢竟後事如何，且聽下文分解。

卷八終

第一才子書

卷八

元

四大奇書第一種卷之九

聖嘆外書

茂苑毛宗崗序始氏評

第十七回

袁公路大起七軍  
曹孟德會合三將

澤麋虎皮。便爲衆射之的。袁術一僭帝號。天下共起而攻之。曹操所以遲遲而未發者。非薄天子而不爲正畏。天下而不敢耳。況所樂乎爲君。以其有令天下之權也。權則專之於己。名則歸之於帝。操之謀善矣。操辭其名。而取其實術。無其實。而冒其名。豈非操巧而術拙。或曰。蜀吳魏三國後來皆稱皇帝。獨袁術之帝則不可。

第一才子書

卷九

何也。曰。真能做皇帝者。每不在先而在後。其爲正統混一之帝。必待海內削平。四方賓服。又必有羣臣勸進。諸侯推戴。然後讓再讓三辭之不得。而乃祀南郊。改正朔。焉則受之也。愈遲而得之也。愈固。卽爲閭統偏安之帝。亦必待小邦俱已兼併。大國僅存一二。外而鄰境息烽。內而人民樂附。然而自侯而王。自王而帝。次第而升之。斯能傳之後人。以爲再世不拔之業。今觀建安之初。曹操雖專。獻帝尚在。而羣雄角立。如劉備孫策袁紹公孫瓚呂布張繡張魯劉表劉璋馬騰韓遂之徒。曾未有一人遽敢盜竊名字者。而以壽春太守漫然而僭至尊之號。安得不速禍而召亡哉。

愛兵而不愛民。不可以爲將。愛將而不愛民。不可以爲君。故善將兵者。必能治兵。兼能治他人之兵。于禁是也。善將將者。必能治將。兼能治他人之將。劉備是也。曹操擊繡之兵。以手扶麥而過。則知操之能爲將矣。袁術攻徐之將。于路劫掠而來。則知術之不能爲君矣。民爲邦本。故此卷之中。三致意云。

操之忌備深矣。忌布亦深矣。方其相合。則私爲之構。以離之。及其既離。又以未及攻之。而始使合之。乃陽合之。而又私相囑。以欲其終離之。初則爲二虎爭食之謀。繼又爲驅虎吞狼之計。末更爲掘坑待虎之策。種種不懷好意。呂布不知而爲其所弄。劉備知之而權且應命。曹操亦明知劉備必然知之。而大家只做不知。真好。看煞人。

第一才子書

卷九

二

曹操一生無所不用其借。借天子以令諸侯。又借諸侯以攻諸侯。至於欲安軍心。則他人之頭亦可借。欲申軍令。則自己之髮亦可借。借之謀愈奇。借之術愈幻。是千古第一奸雄。

古第一奸雄。

却說袁術在淮南地廣糧多。又有孫策所質玉璽。遂思僭稱

帝號。如此舉動。又可惡。又可憐。大會羣下議曰。昔漢高祖不遇泗

上一亭長。而有天下。今歷年四百。氣數已盡。海內鼎沸。吾家

四世三公。久仰。薄視亭長。重稱四世。百姓所歸。吾欲應天

禎人。正位九五。爾衆人以爲何如。主簿閻象曰。不可。昔周后

稷積德累功。至於文王三分天下有其二。猶以服事殷。明公家世雖貴。未若有周之盛。漢室雖微。未若殷紂之暴也。此事

決不可行。此事曹操亦不敢行而必留待其後人者正怕此一段議論耳。術怒曰：吾袁姓出

於陳。陳乃大舜之後。然則不止四世三公矣。以土承火。正應其運。又讖

云：代漢者當塗高也。吾字公路。正應其讖。當塗而高象魏闕也。此曹操之識袁術何得。

術何得。又有傳國玉璽。若不為君。背天道也。吾意已決。多言

者。斬。臣力諫而大怒者。皇帝豈是使性做的。遂建號。仲氏。建號。仲氏。想是虞舜。

第二房子孫。立臺省等官。乘龍鳳輦。祀南北郊。立馮方女

為后。立子為東宮。因命使催取呂布之女為東宮妃。却聞布

已將韓胤解赴許都。為曹操所斬。補接前文。乃大怒。遂拜張勳為

大將軍。統領大軍二十餘萬。分七路征徐州。第一路大將張

第一才子書

卷九

勳居中。第二路上將橋蕤居左。第三路上將陳紀居右。第四

路副將雷薄居左。第五路副將陳蘭居右。第六路降將韓暹

居左。第七路降將楊奉居右。末二路應前文伏後文。各領部下健將。尅

日起行。命兗州刺史金尚為太尉監運七路錢糧。尚不從。術

殺之。以紀靈為七路都救應使。術自引軍三萬。使李豐、梁剛

樂就為催進使。接應七路之兵。寫得聲勢。呂布使人探聽得張勳

一軍從大路逕取徐州。橋蕤一軍取小沛。陳紀一軍取沂都。

雷薄一軍取琅琊。陳蘭一軍取碣石。韓暹一軍取下邳。楊奉

一軍取浚山。此一役事又從呂布探聽處補敘出好。七路軍馬日行五十里。於

路劫掠將來。好個皇帝兵。乃急召眾謀士商議。陳宮與陳珪父子俱至。陳宮曰：徐州之禍。乃陳珪父子所招。媚朝廷以求爵祿。

今日移禍於將軍可斬二人之頭獻袁術其軍自退此時即殺陳珪

父子袁術必不退布聽其言即命擒下陳珪陳登沒主陳登

大笑曰何如是之懦也吾觀七路之兵如七堆腐草何足介

意語多豪氣元龍會說大語亦會幹大事今人

有計破敵免汝死罪陳珪曰將軍若用老夫之言徐州可保

無虞布曰試言之珪曰術兵雖眾皆烏合之師素不親信我

以正兵守之出奇兵勝之無不成功更有一計不止保安徐

州并可生擒袁術其語愈壯布曰計將安出珪曰韓暹楊奉乃漢

舊臣因懼曹操而走無家可依暫歸袁術術必輕之彼亦不

樂為術用若憑尺書結為內應更連劉備為外合必擒袁術

矣此彼失其二路而布曰汝須親到韓暹楊奉處下書陳登

我得其三路矣

第一才子書 卷九 四

允諾布乃發表上許都為後曹操并致書與豫州為後雲長

然後令陳登引數騎先於下邳道上候韓暹暹引兵至下寨

畢登入見暹問曰汝乃呂布之人來此何幹登答曰某為大

漢公卿四字便打何謂呂布之人若將軍者向為漢臣今乃

為叛賊之臣使昔日關中保駕之功化為烏有竊為將軍不

取也揭其前功且袁術性最多疑將軍後必為其所害今不

早圖悔之無及說出後患暹嘆曰吾欲歸漢恨無門耳登乃

出布書暹覽書畢曰吾已知之公先回吾與楊將軍反戈擊

之但看火起為號溫侯以兵相應可也前欲兩處下書今說

已不必復往如摧枯拉朽全不費力登辭暹急回報呂布布乃分兵五路高順

引一軍進小沛敵橋鞬陳宮引一軍進許都敵陳紀一將敵

一將敵

張遼滅霸引一軍出瑯琊敵雷薄朱靈魏續引一軍出碣石敵陳蘭兩將敵一將呂布自引一軍出大道敵張勳大將敵大將各領

軍一萬餘者守城呂布出城三十里下寨張勳軍到料敵呂

布不過且退二十里屯住待四下兵接應是時二更時分韓

暹楊奉分兵到處放火接應呂家軍入寨勳軍大亂呂布乘

勢掩殺張勳敗走呂布趕到天明正撞紀靈接應前日替人自做

對頭兩軍相迎恰待交鋒韓暹楊奉兩路殺來紀靈大敗而

走呂布引兵追殺山背後一彪軍到門旗開處只見一隊軍

馬打龍鳳日月旗旛四斗五方旌幟金瓜銀斧黃鉞白旄黃

羅絹金傘蓋之下袁術身披金甲腕懸兩刀立馬陣前如澤之虞大罵呂布背主家奴布怒挺戟向前術將李豐挺鎗來

第一才子書

卷九

迎戰不三合被布刺傷其手豐棄鎗而走呂布麾兵衝殺術

軍大亂呂布引軍從後追趕搶奪馬匹衣甲無數袁術引着

敗軍走不上數里山背後一彪軍出截住去路當先一將乃

關雲長也即前日虎牢關前喝罵之馬弓手也大叫反賊

還不受死袁術慌走餘衆四散奔逃被雲長大殺了一陣袁

術收拾敗軍奔回淮南去了術兵甚不經戰真如腐草呂布得勝邀請雲

長并楊奉韓暹等一行人馬到徐州大排筵宴管待軍士都

有犒賞次日雲長辭歸布保韓暹為沂都牧楊奉為瑯琊牧

商議欲留二人在徐州陳珪曰不可韓楊二人據山東不出

一年則山東城郭皆屬將軍也布然之遂送二將暫於沂都

瑯琊二處屯劄以候恩命為後立德殺二人張本陳登私問父曰何不

留二人在徐州爲殺呂布之根。珪曰：倘二人協助呂布，是反爲虎添爪牙也。登乃服父之高見。殺義父人，偏有父子同心人，協謀敗之。却說

袁術敗回淮南，遣人往江東問孫策借兵報讐。策怒曰：汝賴

吾玉璽，僭稱帝號，背反漢室，大逆不道。吾方欲加兵問罪，豈

肯反助叛賊乎？孫策甚。是正氣。遂作書以絕之。回思月下大哭之時，今日始得一雪其憤。

使者賈書回見袁術，術看畢，怒曰：黃口孺子，何敢乃爾！猶以平幼

輕之殊屬夢。吾先伐之。長史楊大將力諫方止，却說孫策自發書

後防袁術兵來，點軍守住江口。忽曹操使至，拜策爲會稽太

守，令起兵征討袁術。策乃商議便欲起兵。長史張昭曰：術雖

新敗，兵多糧足，未可輕敵。不如遣書曹操，勸他南征。吾爲後

應兩軍相援。術軍必敗，萬一有失，亦望操救援。策從其言，遣

第一才子書

使。以此意達曹操，却說曹操至許都，思慕典章，立祀祭之，封

其子典滿爲中郎，收養在府。忙中照應前事。忽報孫策遣使致書，操

覽書畢，又有人報袁術乏糧，劫掠陳留。以劫掠爲事，似強盜不似皇帝。欲乘

虛攻之，遂與兵南征。令曹仁守許都，其餘皆從。征馬步兵十

七萬，糧食輜重千餘車。一面先發人會合孫策與劉備、呂布、

兵至豫章界上。玄德早引兵來迎，操命請入營相見。畢，玄德

獻上首級二顆。奇。操驚曰：此是何人首級？玄德曰：此韓暹、楊

奉之首級也。奇。操曰：何以得之？玄德曰：呂布令二人權住沂

都、瑯琊兩縣，不意二人縱兵掠民，人人嗟怨。因此備乃設一

宴，詐請議事飲酒間，擲盞爲號，使關、張二弟殺之，盡降其衆。

今特來請罪。此事只在玄德口中敘出，省却許多筆墨。操曰：君爲國家除害，正是

大功何言罪也遂厚勞玄德縱兵掠民者于崇治其兵玄德治其將更是痛快固當厚勞

合兵到徐州界呂布出迎操善言撫慰封為左將軍許於還

都之時換給印綬安放得好布大喜操即分呂布一軍在左玄德

一軍在右自統大軍居中令夏侯惇于禁為先鋒袁術知曹

兵至令大將橋蕤引兵五萬作先鋒兩軍會於壽春界口橋

蕤當先出馬與夏侯惇戰不三合被夏侯惇搦死術軍大敗

奔走回城忽報孫策發船攻江邊西面呂布引兵攻東面劉

備關張引兵攻南面操自引兵十七萬攻北面袁術攻徐州分兵七路曹

操攻壽春術大驚急聚眾文武商議揚大將曰壽春水旱連

年人皆缺食今又動兵擾民民既生怨兵至難以拒敵不如

留軍在壽春不必與戰待彼兵糧盡必然生變陛下且統御

第一才子書

卷九

七

林軍渡淮一者就熟二者暫避其銳方纔稱銳便議遷都術用其言留

李豐樂就梁剛陳紀四人分兵十萬堅守壽春其餘將卒并

庫藏金玉寶貝盡數收拾過淮去了六飛走矣却說曹兵十七萬

日費糧食浩大諸郡又荒旱接濟不及操催軍速戰李豐等

閉門不出操軍相拒月餘糧食將盡致書於孫策借得糧米

十萬斛不敷支散管糧官任峻部下倉官王廙入稟首后操曰兵

多糧少當如之何操曰可將小斛散之權且救一時之急廙

曰兵士倘怨如何操曰吾自有策這策此時對王廙說不得廙依命以小

斛分散操暗使人各寨探聽無不嗟怨皆言丞相欺眾操乃

密召王廙入曰吾欲問汝借一物以壓眾心汝必勿吝不吝借

但此物只好廙曰丞相欲用何物操曰欲借汝頭以示眾耳吝借

借這一次

向孫策備糧不足却向王屋借頭糧可借  
頭亦可借乎借則借矣未審何時得還  
屋大驚曰其實無

罪操曰吾亦知汝無罪但不殺汝軍心變矣汝死後汝妻子

吾自養之汝勿慮也屋再欲言時操早呼刀斧手推出門外

一刀斬訖懸頭高竿出榜曉示曰王屋故行小斛盜竊官糧

謹按軍法於是眾怨始解純用次日操傳令各營將領如三

日內不併力破城皆斬操親目至城下督諸軍搬土運石填

壕塞音清塹城上矢石如雨有兩員裨將畏避而回操掣劍親斬

於城下遂自下馬接上填坑純用於是大小將士無不向前

軍威大振城上抵敵不住曹兵爭先上城斬關落鎖大隊擁

入李豐陳紀樂就梁剛都被生擒操令皆斬於市焚燒偽造

宮室殿宇一應犯禁之物壽春城中收掠一空收之掠之得

母亦日借乎

第一才子書

卷九

商議欲進兵渡淮追趕袁術荀彧諫曰年來荒旱糧食艱難

若更進兵勞軍損民未必有利不若暫回許都待來春麥熟

暗伏後踐軍糧足備方可圖之操躊躇未決忽報馬到報說

張繡依托劉表復肆猖獗南陽張陵諸縣復反曹洪拒敵不

住連輸數陣今特來告急操乃馳書與孫策令其跨江布陣

以為劉表疑兵使不敢妄動拒劉表專使孫策然自己即日班師別議

征張繡之事臨行令立德仍屯兵小沛與呂布結為兄弟互

相救助再無相侵奸呂布領兵自回徐州操密謂立德曰吾

令汝屯兵小沛是掘坑待虎之計也前二虎競食驅虎吞

但與陳珪父子商議勿致有失某當為公外陽使合陰援使離好甚話

畢而別却說曹操引軍回許都人報段煨殺了李催伍習殺

了郭汜將頭來獻又省却無數筆墨段煨併將李傕合族老小二百餘口活解入許都操令分於各門處斬傳首號令真是快事人民

稱快天子陞殿會集文武作太平筵宴二賊之死天子亦酌酒相賀封改

煨為盪寇將軍伍習為殄虜將軍各引兵鎮守長安二人謝恩而去操即奏張繡作亂當興兵伐之天子乃親排鑾駕送

操出師時建安三年夏四月也正是麥秋時操留荀彧在許都調

遣兵將自統大軍進發行軍之次見一路麥已熟民因兵至

逃避在外不敢刈麥操使人遠近遍諭村人父老及各處守

境官吏曰吾奉天子明詔出兵討逆與民除害方今麥熟之

時不得已而起兵大小將校凡過麥田但有踐踏者並皆斬

首軍法甚嚴爾民勿得驚疑君以民為天民以食為天曹操可謂知天之天百姓聞

第一才子書

卷九

九

論無不歡喜稱頌頌望塵遮道而拜官軍經過麥田皆下馬以

手扶麥迓相傳送而過並不敢踐踏因糧于敵可也取糧于民不可也故無糧則壽

春城中不妨收據有糧則所過麥田不許踐踏操乘馬正行忽田中驚起一鳩那馬

眼生竄入麥中踐壞了一大塊麥田操隨呼行軍主簿擬議

自己踐麥之罪權詐主簿曰丞相豈可議罪操曰吾自制法

吾自犯之何以服眾可愛即掣所佩之劍欲自刎權詐眾急救住

郭嘉曰古者春秋之義法不加於尊丞相總統大軍豈可自

成操沉吟良久乃曰既春秋有法不加於尊之義吾姑免死

即借郭嘉口中語乃以劍割自己之髮擲於地曰割髮權代

首使人以髮傳示三軍曰丞相踐麥本當斬首號令今割髮

以代前既借人代已此又借髮代頭無所不用其借於是三軍悚然無不凜遵軍令

後人有待給之曰

十萬貔貅十萬心

一人號令眾難禁

拔刀割髮權為首

方見曹瞞詐術深

却說張繡知操引兵來急發書報劉表使為後應一面與雷  
 敘張先二將領兵出城迎敵兩陣對圓張繡出馬指操罵曰  
 汝乃假仁義無廉恥之人與禽獸何異隱然為其操大怒令  
 許褚出馬繡令張先接戰只三合許褚斬張先於馬下繡軍  
 大敗操引軍趕至南陽城下繡入城閉門不出操圍城攻打  
 見城壕甚闊水勢又深急難近城乃令軍士運土填壕又用  
 土布袋并柴薪草把相雜於城邊作梯登又立雲梯窺望城  
 中操自騎馬遠城觀之如此三日傳令教軍士於西門角上

第一才子書

卷九

十

堆積柴薪會集諸將就那裏上城城中賈詡見如此光景便  
 謂張繡曰某已知曹操之意矣今可將計就計而行正是  
 強中自有強中手 用詐還逢識詐人

不知其計若何且聽下文分解

第十八回

賈文和料敵決勝

夏侯惇拔劍啖睛

將。在。謀。而。不。在。勇。賈詡之知彼知已決勝決負斯誠善  
 矣。至於郭嘉論袁曹優劣破曹之疑不滅淮陰侯登壇  
 數語若夏侯惇拔劍啖睛不過一武夫之能未足多也  
 十勝十敗其言皆確吾獨於仁勝德勝則有辨焉夫操

何仁何德之有假仁非仁也市德非德也但當日才勝術勝耳

操之哭典韋非為典韋哭也哭一既死之典韋而凡未死之典韋無不感激此非曹操忠厚處正是曹操奸雄處或曰奸雄雖奸安得此一副急淚予答之曰彼口中哭典韋意中自哭亡兒亡姪我惡乎知之

兵有先後着此着宜在先後一着不得此着宜在後先一着不得操欲攻袁紹而懼呂布之議其後也於是舍紹而攻布布既平而後吾可安意肆志於袁紹此先後着之不可亂也

操亦巧矣哉術方攻布則助布以攻術懼布之復與術

第一才子書

卷九

上

和也布既破術則約備而攻布知術之必不復與布和也備布之交合而操之患深袁呂之交合而操之患更深今備既離術亦離而後布可圖矣老謀深算信不可及

却說賈詡料知曹操之意便欲將計就計而行乃謂張繡曰某在城上見曹操遠城而觀者三日他見城東南角磚土之色新舊不等鹿角多半毀壞意將從此處攻進却虛去西北上積草詐為聲勢欲哄我徹兵守西北彼乘夜黑必爬東南角而進也虛者實之實者虛繡曰然則奈何詡曰此易事耳來日可令精壯之兵飽食輕糲盡藏於東南房屋內却教百姓假扮軍士虛守西北夜間任他在東南角上爬城俟其爬

進城時一聲砲響伏兵齊起操可擒矣以詐待詐正繡喜從

其計早有探馬報曹操說張繡盡徵兵在西北角上吶喊守

城東南却甚空虛操曰中吾計矣誰知反遂命軍中密備登

饜爬城器具日間只引軍攻西北角至二更時分却領精兵

於東南角上爬過壕去砍開鹿角城中全無動靜眾軍一齊

擁入只聽得一聲砲響伏兵四起曹軍急退背後張繡親驅

勇壯殺來曹軍大敗退出城外奔走數十里張繡直殺至天

明方收軍入城曹操計點敗軍折兵五萬餘人失去輜重無

數呂虔于禁俱各被傷此皆為城中却說賈詡見操敗走急

勸張繡遺書劉表使起兵截其後路表得書即欲起兵忽探

馬報孫策屯兵湖口應蒯良曰策兵屯湖口乃曹操之計也

第一才子書

今操新敗若不乘勢擊之後必有患蒯良之智亦不在賈生下表乃令黃

祖堅守隘口自己統兵至安眾縣截操後路一面約會張繡

繡知表兵已起即同賈詡引兵襲操且說操軍緩緩而行故

緩行便知有謀矣至襄城到清水操忽於馬上放聲大哭如雄眾驚

問其故操曰吾思去年於此地折了吾大將典韋不由不哭

耳此老得將士心慣用斯法因即下令屯住軍馬大設

祭筵弔奠典韋亡魂操親自拈香哭拜三軍無不感歎其所

自縊香哭拜者正要祭典韋畢方祭姓曹安民及長子曹昂

使三軍無不感奠耳祭典韋畢方祭姓曹安民及長子曹昂

先祭將而後及并祭陣亡軍士不是為亡的連那匹射死的

大宛馬也都致祭不是為馬正欲感人忙中次日忽荀彧

差人報說劉表助張繡屯兵安眾截吾歸路操答彧書曰吾

日行數里。非不知賊來追我。然我計畫已定。若到安衆。破繡必矣。君等勿疑。妙算先定。此時却不明言。便催軍行至安衆。縣界。劉表軍

已守險要。張繡隨後引軍趕來。操乃令衆軍黑夜鑿險開道。前黑夜肥城。張中彼伏兵之計。今黑夜鑿險。彼亦中我伏兵之計。真正奇妙。及天色微

明。劉表張繡軍會合見操兵少。疑操遁去。俱引兵入險擊之。操縱奇兵出。大破兩家之兵。曹兵出了安衆界口於隘外下

寨。彼方截險。我能出。劉表張繡各整敗兵相見。表曰。何期反中曹操奸計。繡曰。容再圖之。於是兩軍集於安衆。且說荀彧

探知袁紹欲興兵犯許都。星夜馳書報曹操。操得書心慌。即日回兵。細作報知張繡。繡欲追之。賈詡曰。不可追也。追之必

敗。其所以必敗之故。且不說出。劉表曰。今日不追。坐失機會矣。力勸繡引

第一才子書 卷九

軍萬餘同往追之。約行十餘里。趕上曹軍。後隊曹軍奮力接戰。劉表兩軍大敗而還。截之者。繞其前追之者。逐其後。纔其前而不勝。逐其後則宜勝矣。而又不

勝。殊出繡謂詡曰。不用公言。果有此敗。詡曰。今可整兵再往追之。奇語。似戲。繡與表俱曰。今已敗。奈何復追。詡曰。今番追去。必獲大勝。如其不然。請斬吾首。故且不說出。繡信之。虧他

表疑慮不肯同往。繡乃自引一軍往追。繡乃深信詡言。詡操兵果然大敗。車馬輻重。連路散棄而走。曹兵一敗之後。忽

得兩勝不勝之後。又復繡正往前追。趕忽山後一彪軍擁出。一敗令讀者閃爍不測。繡不敢前追。收軍回安衆。劉表問賈

此處且不說是何軍。留繡不敢前追。收軍回安衆。劉表問賈詡曰。前以精兵追退兵。而公曰必敗。後以敗卒擊勝兵。而公曰必克。究竟悉如公言。何其事不同而皆驗也。願公明教我

欲請教。諛曰：此易知耳。將軍雖善用兵，非曹操敵。手操軍

雖敗，必有勁將為後殿以防追兵。我兵雖銳，不能敵之也。故

知必敗。夫操之急於退兵者，必因許都有事，既破我追軍之

後，必輕車速回，不復為備。我乘其不備而更追之，故能勝也。

必敗必勝之故，至此方說明蓋前之追在曹操料中，後之追不在曹操料中也。鑿鑿而談了了，如見劉表張繡

中後之追，不特表繡服之，即諛勸表回荊州繡守襄城以

俱服其高見，曹操當亦服之。諛勸表回荊州繡守襄城以

為唇齒，兩軍各散。且說曹操正行間，聞報後軍為繡所追，急

引眾將回身救應。補敘前文所未及好只見繡軍已退，敗兵回告操曰：

若非山後這一路人馬阻住中路，我等皆被擒矣。數語于敗軍口中點

綴得操急問何人，那人綽鎗下馬拜見，曹操乃鎮威中郎將

江夏平春人，姓李名通，字文達。至此方敘出姓名操問何來，通曰：近

第一才子書 卷九 守汝南，聞丞相與張繡劉表戰，特來接應。操喜封之為建功

侯，守汝南西界以防表繡。李通謝而去。忽然來隨即去，總不費筆墨操還

許都，表奏孫策有功，封為討逆將軍，賜爵吳侯，遣使齎詔江

東，諭令防勦劉表。操回府，眾官聚見畢，荀彧問曰：丞相緩行

至安眾，何以知必勝賊兵？讀者也要請教操曰：彼退無歸路，必將死

戰。吾緩誘之而暗圖之，是以知其必勝也。昔日書中所言至

賈詡論兵，此又有曹操荀彧拜服，不特或服之，即賈詡當亦服之。郭嘉入操

論兵可當兵書一則。曰：公來何暮也。嘉袖出一書，白操曰：袁紹使人致書丞相，言欲出兵攻公。孫瓚特來借糧借兵。操曰：吾聞紹欲圖許都，今見吾歸，又別生他議，遂拆書觀之，見其詞意驕慢。隋李密致書于李淵詞意驕慢，淵卑詞答。乃問嘉曰：袁紹如此無狀，吾欲討之，恨

力不及如何嘉曰劉項之不敵公所知也處然以高祖唯

智勝項羽雖強終為所擒今紹有十敗公有十勝論妙紹兵雖

盛不足懼也紹繁禮多儀公體任自然此道勝也大英雄不

自謂四世三公故以繁禮為家數紹以逆動公以順率此義

勝也挾天子以令諸桓靈以來政失於寬紹以寬濟公以猛

糾此治勝也前有子產治鄭後有孔紹外寬內忌所任多親

戚公外簡內明用人唯才此度勝也如袁紹為盟主時不責

兵能獎于禁紹多謀少決公得策輒行此謀勝也此袁曹第

而責夏侯也紹專收名譽公以至誠待人未此德勝也

恤近忽遠公慮無不周此仁勝也操何仁之有但

亂公浸潤不行此明勝也紹每疑田豐沮受而操

第一才子書

卷九

五

清公法度嚴明此文勝也繁禮多儀不是文紹好為虛勢不

知兵要公以少克衆用兵如神此武勝也如後文袁紹馳檄

而操能以十萬之衆公有此十勝於以敗紹無難矣總結一

文只說操之十勝而操笑曰如公所言孤何足以當之荀彧

曰郭奉孝十勝十敗之說正與愚見相合紹兵雖衆何足懼

耶嘉曰徐州呂布實心腹大患今紹北征公孫瓚我當乘其

遠出先取呂布掃除東南然後圖紹乃為上計否則我方攻

紹布必乘虛來犯許都為害不淺也數陳十勝十敗之後讀

欲舍紹而攻操然其言遂議東征呂布荀彧曰可先使人往

約劉備待其回報方可動兵書伏線操從之一面發書與玄

德一面厚遣紹使奏封紹為大將軍太尉兼都督冀青幽并

四州密書答之云公可討公孫瓚吾當相助好紹得書大喜

便進兵攻公孫瓚便是謀之不賤且說呂布在徐州每當賓客宴會

之際陳珪父子必盛稱布德待呂布只須如此陳宮不悅乘間告布

曰陳珪父子面諛將軍其心不可測宜善防之凡而諛人者必腹算人者

也陳珪父子布怒叱曰汝無端獻讒欲害好人耶聞忠言則怒為獻讒

雖然世之如奉先者正復不少也宮出嘆曰忠言不入吾

輩必受殃矣意欲棄布他往却又不忍又恐被人嗤笑此時

誰來笑你不能引決為可笑耳乃終日悶悶不樂一日帶領數騎去小沛地

面圍獵解悶忽見官道上一騎驛馬飛奔前去如此穿插接

宮疑之棄了圍場引從騎從小路趕上對上小道二字細甚重

問曰汝是何處使命那使者知是呂布部下人慌不能答好

第一才子書 卷九 十

宮令搜其身得玄德回答曹操密書一封前日曹操密書是

日玄德回書是陳宮半路得來究竟前未見回札今未見來東總各看得一半耳宮即連人與書拿

見呂布布問其故來使曰曹丞相差我往劉豫州處下書今

得回書不知書中所言何事使者差矣那裏有寄書的及瞞

猶不布乃拆書細看陳宮不先拆候呂書畧曰

奉明命欲圖呂布敢不夙夜用心但備兵微將少不敢輕

動丞相若與大師備當為前驅謹嚴兵整甲專待鈞命

呂布見了大罵曰操賊焉敢如此遂將使者斬首先使陳宮

臧霸結連泰山寇孫觀吳敦尹禮昌豨絕了假皇帝東取山

東兗州諸郡令高順張遠取沛城攻立德令宋憲魏續西取

汝穎布自總中軍為三路救應本是操欲攻布却反致且說

布先發作又出意料

高順等引兵出徐州將至小沛有人報知玄德玄德急與衆

商議孫乾曰可速告急於曹操玄德曰誰可去許都告急

下一人出曰某願往視之乃玄德同鄉人姓簡名雍字憲和

現爲玄德幕賓玄德卽修書付簡雍使星夜赴許都求援

莫又遇一面整頓守城器具玄德自守南門孫乾守北門雲

陳宮陳宮長守西門張飛守東門令糜竺與其弟糜芳守護中軍原來

糜竺有二妹嫁與玄德爲次妻玄德與他兄弟有郎舅之親

故令其守中軍保護妻小惟中又夾敘開專正見玄德托人

魏續不荀不似呂布妻小之托于宋憲高順軍至玄德在敵樓上問曰吾與奉先無隙何故引

兵至此順曰你結連曹操欲害吾主今事已露何不就縛言

說便麾軍攻城玄德閉門不出次日張遼引兵攻打西門雲

第一才子書 卷九 七

長從城上謂之曰公儀表非俗何故失身於賊壯士惜壯士

樓相救張遼低頭不語好張雲長知此人有忠義之氣更不

以惡言相加亦不出戰豪傑愛遼引兵退至東門張飛便出

迎戰早有人報知關公關公急來東門看時只見張飛方出

城張遼軍已退好張飛欲追趕關公急召入城飛曰彼懼而

退何不追之關公曰此人武藝不在你我之下因我以正言

感之頗有自悔之心故不與我等戰耳好漢識飛乃悟只令

士卒堅守城門更不出戰却說簡雍至許都見曹操具言前

事操卽聚衆謀士議曰吾欲攻呂布不憂袁紹掣肘只恐劉

表張繡議其後耳提照荀攸曰二人新破未敢輕動呂布驍

勇若更結連袁術縱橫淮泗急難圖矣表與繡合不足慮郭

嘉曰今可乘其初叛衆心未附疾往擊之操從其言卽命夏

侯惇與夏侯淵呂虔李典領兵五萬先行自統大軍陸續進

發簡雍隨行敘事細甚早有探馬報知高順順飛報呂布布先令

侯成郝萌曹性引二百餘騎接應高順使離沛城三十里去

迎曹軍自引大軍隨後接應玄德在小沛城中見高順退去

知是曹家兵至乃只留孫乾守城糜竺糜芳守家自己却與

關張二公提兵盡出城外分頭下寨接應曹軍空城出屯却

說夏侯惇引軍前進正與高順軍相遇便挺鎗出馬搦戰高

順迎敵兩馬相交戰有四五十合高順抵敵不住敗下陣來

惇縱馬追趕順遶陣而走惇不捨亦遶陣追之陣上曹性看

見暗地拈弓搭箭覷得親切一箭射去正中夏侯惇左目惇

第一才子書

卷九

大叫一聲急用手接箭不想連眼珠拔出好痛乃大呼曰父

精母血不可棄也遂納於口內啖之惇此時面上一眼腹中

視已之視已如見其肺肝矣若云仍復提鎗縱馬直取曹

父精母血雖然自吃自還算吃爹娘曹性而上友死於馬下

性性不及隄防早被一鎗擄透面門多一眼矣

兩邊軍士見者無不駭然夏侯惇既殺曹性縱馬便回高順

從背後趕來塵草齊上曹兵大敗夏侯淵救護其兄而走呂

虔李典將敗軍退去濟北下寨高順得勝引軍回擊玄德恰

好呂布大軍亦至布與張遼高順分兵三路夾攻玄德關張

三寨正是  
啖睛猛將雖云戰  
中箭先鋒難久持

四大奇書第一種卷之十

聖嘆外書

茂苑毛宗崗序始氏評

第十九回

下邳城曹操鏖兵  
白門樓呂布殞命

使劉備於漏書之後而小沛之戰爲布所殺則操必曰非我也布也及令備當淮南之衝若其放走呂布而操殺之則又必曰非我也軍令也欲使他人殺之而無其隙構呂布則有其隙矣欲自殺之而無其名違軍令則有其名矣操心中步步欲害玄德而外面却處處保護玄德乃玄德心中亦步步隄防曹操而外面亦處處逢

第

才子書

卷十

迎曹操兩雄相遇兩智相對使讀書者驚心悅目

玄德常曰元龍河海之士豪氣未除又曰元龍如臥百尺樓上則元龍之爲人其英爽高明可知乃英爽高明之人而亦喜於用詐何也曰兵不厭詐亦在用之得其宜耳不當詐而不詐則有不欺人之羊叔子當詐而詐何妨有善騙人之陳元龍

或曰玄德既知了原董卓之事何不勸操留布以爲圖操之地子曰不然操非了原董卓比也操不殺布則必用布用布則必防布既能以利厚結之而使爲我用又能以術牢籠之而使不爲我害是爲虎添翼也操之固密不似了董之疎虞玄德其見及此乎

易牙殺子以饗君。管仲以爲非人情。不可近。劉安之事將毋同乎。曰不同。牙爲利也。安爲義也。君非絕食。則易牙之烹其子。爲不情。君當絕食。則介之推。自割其肉。不爲過也。雖然。呂布之戀妻也。太愚。劉安之殺妻也。太忍。唯玄德爲得其中。不得不棄而棄之。何必如兄弟之誓。同生死。固不當學呂布。得保則保之。又誰云衣服之不及手足。亦不當學劉安。

曹家人截嫁。攔婚。並非拉着香囊。酒吃。呂家女。空回。白轉。不爲少了。開門錢。來。前日長枷釘韓胤。是獨桌。請了媒人。今番火炬。燒下。却是打燈。接着新轎。軍中得勝鼓。疑是娶親的。奏樂人。馬前大纛旗。權當迎女的。辰閨帳。國丈自馱着。貴妃出走。不顧辱沒了。東宮。皇帝更不教太子親迎。只爲惡識了。使伐柯詩。咏成破斧。待大媒的是。刀鋸。不是酒漿。血光星犯着。紅鸞。戰通宵的是。疆場。不是枕席。此數聯皆絕倒。

將欲和人解酒。先特特邀人飲酒。張飛何其有禮。從未請人吃酒。便白白教人斷酒。呂布大是不情。自要吃酒。却怪他人不吃酒。張飛怪得高懷。自不吃酒。却怒他人吃酒。呂布怒得沒趣。送酒是好意。候成遇張飛。定當引爲腹心。拒酒是蠢才。曹豹與呂布果然可稱翁婿。先飲酒。後領棒。以醉人受醉棒。曹豹之痛。好耐。既折酒。又折棒。以醒棒。打醒人。候成之恨。難消。張飛借老曹打老呂。

實。不。會。打。老。曹。呂。布。爲。衆。將。打。一。人。是。分。明。打。衆。將。張。飛。戒。飲。之。飲。比。不。戒。飲。之。飲。愈。多。翻。覺。戒。飲。爲。多。事。呂。布。禁。酒。之。害。比。害。酒。之。害。更。甚。可。爲。禁。酒。之。大。懲。戒。氣。勝。戒。酒。張。飛。但。當。戒。一。已。之。鞭。笞。禁。酒。如。禁。色。呂。布。安。能。禁。衆。人。之。夫。婦。張。飛。殺。過。一。夜。酒。風。明。日。便。戒。酒。不。成。倒。便。宜。了。醉。漢。呂。布。打。散。他。人。筵。席。自。家。竟。與。酒。永。別。活。斷。送。了。醒。人。張。飛。徐。州。之。失。還。堪。以。酒。解。其。悶。呂。布。白。門。樓。之。死。誰。能。以。酒。奠。其。魂。此。數。聯。又。絕。倒。

却說高順引張遼擊關公寨，呂布自擊張飛寨，關張各出迎戰。玄德引兵兩路接應，呂布分軍從背後殺來，關張兩軍皆潰。玄德引數十騎奔回沛城。今日狼狽奔回，則知前日不當盡出城外下寨。呂布趕

第一才子書

卷十

三

來。玄德急喚城上軍士放下吊橋，呂布隨後也到城上，欲待放箭，又恐射了玄德。做事被呂布乘勢殺入城門，把門將士

抵敵不住，都四散奔避。呂布招軍入城，玄德見勢已急，到家不及，只得棄了妻小。此卷中以玄德棄妻劉安，殺妻呂布，繼妻相對成趣。穿城而過，走

出西門，匹馬逃難。又失了小沛城，此呂布趕到玄德家中，糜成，凡三得三失矣。呂布趕到玄德家中，糜

竺出迎，告布曰：「吾聞大丈夫不廢人之妻子，與將軍爭天下

者，曹公耳。玄德常念轅門射戟之恩，不敢背將軍也。今不得

已而投曹公，惟將軍憐之。語亦動聽。布曰：「吾與玄德舊交，豈忍害

他妻子？」前布與袁術戰時，玄德曾遣雲長助之，故今以比相報耶。便令糜竺引玄德妻小

去徐州安置。爲後糜竺登城拒布伏案。布自引軍投山東兗州境上，留高

順、張遼守小沛。此時孫乾已逃出城外，關張二人亦各自收

得些人馬往山中住劉補筆應前亦且說玄德匹馬逃難正

行間背後一人趕至視之乃孫乾也孫乾先至關張慢來敘法參差有致玄德

曰吾今兩弟不知存亡妻小失散為之奈何先說兩弟後孫及妻小妙

乾曰不若且投曹操以圖後計玄德依言尋小路投許都途

次絕糧嘗往村中求食但到處聞劉豫州皆爭進飲食絕勝重耳

過衛時先寫此句為一日到一家投宿其家一少年出拜

後劉安殺妻供食作引

問其姓名乃獵戶劉安也是喜吃野味人當下劉安聞豫州牧至欲

尋野味供食一時不能得野味難得不若家味之便乃殺其妻以食之

奇昔名勝亦有殺妻饗士者婦人不幸生亂世遂使命如草

菅哀哉玄德以妻子比衣服此人以妻子為飲食更奇玄德

德曰此何肉也安曰乃狼肉也人有溺愛悍妻者但知妻是肉不知妻是狼乃當以劉安

之法處之若在根內玄德不疑遂飽食了一頓曹操在呂

者言之當名曰獅子肉

第一才子書

卷十

四

認猪是人玄德在劉安家誤認人是狼曹操不會吃得一塊

猪肉玄德飽吃一頓人肉不吃猪肉者反是惡人吃人肉者

反不失夫晚就宿不知劉安此夜至曉將去後院取馬忽

為婦人夫晚就宿如何睡得着

見一婦人殺於廚下不意取馬臂上肉已都割去此臂之

力玄德髒肉可復生那玄德驚問方知昨夜食者乃其妻之

此婦臂肉安得復生那玄德驚問方知昨夜食者乃其妻之

肉也脫或不見不問則劉安終不使玄德玄德不勝傷感酒

淚上馬劉安告玄德曰本欲相隨使君因老母在堂未敢遠

行又是玄德稱謝而別取路出梁城忽見塵頭蔽日一彪大

軍來到玄德知是曹操之軍同孫乾徑至中軍旗下與曹操

相見不必直到許都即且說失沛城散二弟陷妻小之事操

亦為之下淚假慈又說劉安殺妻為食之事其事甚奇不

令孫乾以金百兩往賜之千金買駿骨百金謝狼肉一上

黃金臺一飽劉君腹

劉安得

此金又可娶一妻矣。但恐無人肯嫁。軍行至濟北夏侯淵等之耳。何也。恐其又把作野味請客也。

迎接入寨。備言兄夏侯惇損其一目。臥病未痊。阿顧前操臨

臥處視之。令先回許都調理。如安一面使人打探呂布現在

何處。探馬回報云。呂布與陳宮賊霸結連。泰山賊寇共攻兗

州諸郡。照前操即令曹仁引三千兵打沛城。操親提大軍與

玄德來戰。呂布伏後前至山東路近蕭關。正遇泰山寇孫觀

吳敦尹禮昌稀領兵三萬餘。攔住去路。操令許褚迎戰。四將

一齊出馬。許褚奮力死戰。四將抵敵不住。各自敗走。操乘勢

掩殺。追至蕭關。探馬飛報呂布。此句是時布已回徐州。欲同

陳登往救小沛。小沛休矣令陳珪守徐州。徐州休矣陳登臨行。珪謂之

曰。昔曹公會言東方事。盡付與汝。今布將敗。可便圖之。照應前文

第一才子書

卷十

登曰。外而之事。兒自爲之。倘布敗回。父親便請糜竺一同守

城。休放布入兒自有脫身之計。埋伏珪曰。布妻小在此。心腹

頗多爲之奈何。思慮登曰。兒亦有計了。是父乃入見呂布曰。

徐州四面受敵。操必力攻。我當先思退步。可將錢糧移於下

邳。只說錢糧不儻徐州被圍。下邳有糧。可救主公。盍早爲計

布曰。元龍之言甚善。吾當并妻小移去。此句待他遂令宋憲

魏續保護妻小與錢糧移屯下邳。妻小休矣此處點出一

面。自引軍與陳登往救蕭關。到半路。登曰。容某先到關探曹

兵虛實。主公方可行。此關布許之。登乃先到關上。陳宮等接

見。登曰。溫侯深怪公等不肯向前。要來責罰。友間宮曰。今曹

兵勢大。未可輕敵。吾等緊守關隘。可勸主公深保沛城。乃爲

土策陳登唯唯至晚上關而望見曹兵直逼關下乃乘夜連  
寫三封書拴在箭上射下關去書中約他放火為號殺入

日辭了陳宮飛馬來見呂布曰關上孫觀等皆欲獻關某已  
留下陳宮守把將軍可於黃昏時殺去救應又及問得妙蓋

之寇且又新敗而陳宮實為呂布心腹故必作如此語孫觀等皆新結  
以誘布而布乃無不信矣黃昏時三字更有劍線布曰  
非公則此關休矣關安得休便教陳登飛騎先至關約陳宮

為內應舉火為號正暗合陳登書中之意亦是登徑往報宮  
曰曹兵已抄小路到關內恐徐州有失公等宜急回騙呂布

官兩邊夾敘宮遂引眾棄關而走也着了登就關上放起火  
都不用實筆妙宮遂引眾棄關而走道兒登就關上放起火

來謂不負書中之約亦可呂布乘黑殺至陳宮軍和呂布軍在  
黑暗裡自相掩殺只一陳登弄得他七顛八曹兵望見號火

第一才子書  
一齊殺到乘勢攻擊陳登箭上三書中孫觀等各自四散逃  
避去了易聚易散是賊寇身分呂布直殺到天明方知是計

呆急與陳宮回徐州到得城邊叫門時城上亂箭射下前日  
於此日射之糜竺在敵樓上喝曰汝奪吾主城池今當仍

還吾主汝不得復入此城也陳珪不出使糜布大怒曰陳珪  
何在竺曰吾已殺之矣軍中為其所害如此說恐陳登在呂布

身去布回顧宮曰陳登安在已在小沛賺高宮曰將軍尚執  
迷而問此佞賊乎真是布令遍尋軍中却只不見好宮勸布

急投小沛布從之行至半路只見一彪軍驟至視之乃高順  
張遼也奇布問之答曰陳登來報說主公被圍令其等急來

救解不向陳登那邊做去却從呂布官曰此又佞賊之計也  
這邊聽來是用虛筆與前文變

布怒曰吾必殺此賊以怕殺他急驅馬至小沛只見小沛城

上盡插曹兵旗號原來曹操已令曹仁襲了城池引軍守把

做法虛呂布於城下大罵陳登登在城上指布罵曰吾乃漢

臣安肯事汝反賊耶此時却不面諛布大怒正待攻城忽聽背後喊

聲大起一隊人馬來到當先一將乃是張飛突如其來高順

出馬迎敵不能取勝布親自接戰正閉間陣外喊聲復起曹

操親統大軍衝殺前來寫張飛後不即寫雲長忽呂布料難

抵敵引軍東走曹兵隨後追趕呂布走得人困馬乏忽又閃

出一彪軍攔住去路為首一將立馬橫矛大喝呂布休走關

雲長在此突如其來來得湊巧看他呂布慌忙接戰背後

張飛趕來布無心戀戰與陳宮等殺開條路徑奔下邳候成

第一才子書

卷十

引兵接應去了畧作一頓此處點關張相見各洒淚言失

散之事寫得有雲長曰我在海州路上住劉探得消息故來

至此張飛曰弟在岷山住了這幾時今日幸得相遇補寫

踪跡只在二公兩箇敘話畢一同引兵來見玄德哭拜於地

玄德悲喜交集敘得有引二人見曹操便隨操入徐州糜竺

接見具言家屬無恙玄德甚喜陳珪父子亦來參拜曹操敘

簡到一操設一大宴犒勞諸將操自居中使陳珪居右玄德

居左亦學呂布其餘將士各依次坐宴罷操嘉陳珪父子之

功加封十縣之祿授登為伏波將軍完陳珪且說曹操得了

徐州心中大喜可知其在兗州時未商議起兵攻下邳程昱

曰布今止有下邳一城若逼之太急必死戰而投袁術矣確

慮

布與術合其勢難攻今可使能事者守住淮南徑路內防呂  
布外當袁術此是正意况今山東尚有臧霸孫觀之徒未曾歸順

防之亦不可忽也此是餘意操曰吾自當山東諸路其淮南徑路

請玄德當之使玄德當袁呂往來之要玄德曰丞相將令安  
敢有違玄德此時次曰玄德留糜竺簡雍在徐州帶孫乾關

張引軍往守淮南徑路曹操自引兵攻下邳且說呂布在下

邳自恃糧食足備應前移屯錢糧且有泗水之險應後曹操決水安心坐守

可保無虞陳宮曰今操兵方來可乘其寨柵未定以逸擊勞

無不勝者布曰吾方屢敗不可輕出待其來攻而後擊之皆

落泗水矣豈知此水反為我害遂不聽陳宮之言過數日曹兵下寨已

定操統衆將至城下大叫呂布答話布上城而立操謂布曰

第一才子書 卷十 八

聞奉先又欲結婚袁術吾故領兵至此夫術有反逆大罪而

公有討董卓之功今何自棄其前功而從逆賊耶儻城池一

破悔之晚矣若早來降其扶王室當不失封侯之位此非誘

用布也玄德在白布曰丞相且退尚容商議主張陳宮在布

門樓時正慮此耳側大罵曹操奸賊一箭射中其麾蓋今日城上之一箭不

指宮恨曰吾誓殺汝不必報恩陳宮麾蓋之刺曹操安得懷

恨遂引兵攻城宮謂布曰曹操遠來勢不能久將軍可以步

騎出屯於外宮將餘衆閉守於內操若攻將軍宮引兵擊其

背若來攻城將軍為救於後不過旬日操軍食盡可一鼓而

破此乃犄角之勢也玄德屯兵城外而致失小沛者為與關

則誠布曰公言極是遂歸府收拾戎裝時方冬寒分付從人

夫善

多帶綿衣布妻嚴氏聞之正應前移置妻小句出問曰君

欲何往布告以陳宮之謀嚴氏曰君委全城捐妻子孤軍遠

出儻一旦有變妾豈得為將軍之妻乎汝若肯死安得為他

婦布躊躇未決三日不出設主意宮入見曰操軍四面圍城若

不早出必受其困布曰吾思遠出不如堅守設主意宮曰近聞

操軍糧少遣人往許都去取早晚將至又在陳宮口中帶將

軍可引精兵往斷其糧道此計大妙布然其言復入內對嚴

氏說知此事婚姻之事謀及婦人猶可言也嚴氏泣曰將軍

若出陳宮高順安能堅守城池儻有差失悔無及矣妾昔在

長安已為將軍所棄幸賴龐舒私藏妾身再得與將軍相聚

頓提前事如千丈孰知今又棄妾而去乎將軍前程萬里請

勿以妾為念言罷痛哭先以危詞動之又以哀辭訣之布聞

言愁悶不決入告貂蟬貂蟬別來無恙既謀之張貂蟬曰將

軍與妾作主勿輕騎自出嚴氏之言詳貂蟬布曰汝無憂慮

吾有畫戟赤兔馬誰敢近我頻誇戰馬正為後文乃出謂陳

宮曰操軍糧至者詐也操多詭計吾未敢動懼內人偏不肯

許多官出歎曰我等死無葬身之地矣極似李儒布於是終

日不出只同嚴氏貂蟬飲酒解悶飲酒二字謀士許汜王楷

入見布進計曰今袁術在淮南聲勢大振將軍舊曾與彼約

婚今何不仍求之彼兵若至內外夾攻操不難破也此計不出程昱

料布從其計即日修書就着二人前去許汜曰須得一軍引

路衝出方好布令張遼郝萌兩箇引兵一千送出隘口是夜

二更張遼在前郝萌在後保着許汜王楷殺出城去抹過玄德寨眾將追趕不及已出隘口讀者至此爲郝萌將五百人

跟許汜王楷而去張遼引一半軍回來云一回寫得變幻一到

隘口時雲長攔住未及交鋒高順引兵出城救應接入城中

去了此時捉住張遼不且說許汜王楷至壽春拜見袁術呈

上書信術曰前者殺吾使命賴我婚姻今又來相問何也汜

曰此爲曹操奸計所誤願明公詳之術曰汝主不因曹兵困

急豈肯以女許我楷曰明公今不相救恐唇亡齒寒亦非明

公之福也術曰奉先反覆無信可先送女然後發兵孫策借

玉璽爲質呂布借兵又要他女許汜王楷只得拜辭和郝萌

兒爲質一是死寶一是活寶

回來到玄德寨邊汜曰日間不可過夜半吾二人先行郝將

第一才子書

卷十

軍斷後商量停當夜過玄德寨許汜王楷先過去了郝萌正

行之次張飛出寨攔路郝萌交馬只一合被張飛生擒過去

五百人馬盡被殺散木恐許汜王楷有失故郝萌引軍送之

變幻走張遼則寫雲長張飛解郝萌來見玄德玄德押往

大寨見曹操郝萌備說求救許婚一事操大怒斬郝萌於軍

門又殺了呂豸使人傳諭各寨小心防守如有走透呂布及

彼軍士者依軍法處治玄德亦在各寨悚然玄德回營分付

關張曰我等正當淮南衝要之處二弟切宜小心在意勿犯

曹公軍令飛曰捉了一員賊將曹操不見有甚褒賞却友來

說嚇何也幾乎又惹玄德曰非也曹操統領多軍不以軍令

何能服人弟勿犯之玄德之意不過在他簷下過不敢不低

頭耳然若以此語勸張飛飛必不服故

以軍令當嚴為辭蓋假話也 關張應諾而退却說許汜王楷回見呂布具

言袁術先欲得婦然後起兵救援布曰如何送去汜曰今郝

萌被獲操必知我情預作準備若非將軍親自護送誰能突

出重圍布曰今日便送去如何又倉卒至此汜曰今日乃凶神值

日不可去明日大利宜用戌亥時不唯會做媒又會選日布命張遼高

順引三千軍馬安排小車一輛我親送至二百里外却使你

兩個送去亥初夜二更時分是戊末呂布將女以綿纏身用甲

包裹負於背上提戟上馬只有隨新人的送娘那有背新人的送爺那有

裏新人的鐵甲只有坐新人的花轎那有騎新人的戰馬可發一笑放開城門布當先出城張

遼高順跟着將次到玄德寨前一聲鼓响關張二人攔住去

路大叫休走布無心戀戰只顧奪路而行玄德自引一軍殺

第一才子書 卷十 十一

來兩軍混戰呂布雖勇終是縛一女在身上只恐有傷不敢

衝突重圍趙雲懷小兒却能衝陣呂布背女子不能突圍意者玄德之子紫薇早已隨身奉先之女紅鬃未曾

照命後面徐晃許褚皆殺來眾軍皆大叫曰不要走了呂布

布見軍來太急只得仍退入城前番是自己追轉今番是別人趕回玄德收軍

徐晃等各歸寨端的不會走透一個呂布回到城中心內憂

悶不獨呂布憂悶兒當亦憂悶只是飲酒聊當送親酒却說曹操攻城兩月不

下忽報河內太守張揚出兵東市欲救呂布部將楊醜殺之

欲將頭獻丞相却被張揚心腹將賈固所殺反投大城去了

此事只在報人口中敘過省筆操聞報即遣史渙追斬賈固為却更省筆因聚

眾將曰張揚雖幸自滅然北有袁紹之憂東有張繡之患下

邳久圍不克吾欲捨布還都暫且息戰何如荀攸急止曰不

可○呂○布○屢○敗○銳○氣○已○墮○軍○以○將○爲○主○將○衰○則○軍○無○戰○心○彼○陳○  
宮○雖○有○謀○而○遲○確今○布○之○氣○未○復○官○之○謀○未○定○作○速○攻○之○布○  
可○擒○也○機○會○良○不○可○失○若○在○郭○嘉○曰○其○有○一○計○下○邳○城○可○立○

破○勝○於○二○十○萬○師○荀○彧○曰○莫○非○決○沂○泗○之○水○乎○嘉○笑○曰○正○是○  
此○意○不○道○着○二○口○如○出○一○心○操○大○喜○卽○令○軍○士○決○兩○河○之○水○

曹○兵○皆○居○高○原○坐○視○水○滄○下○邳○濮○陽○城○中○呂○布○贈○操○以○火○下○  
邳○城○中○曹○操○答○布○以○水○畢○竟○

火○不○下○邳○一○城○只○剩○得○東○門○無○水○爲○後○侯○成○盜○馬○其○餘○各○門○  
勝○木○下○邳○一○城○只○剩○得○東○門○無○水○卽○東○門○伏○案○

都○被○水○滄○衆○軍○飛○報○呂○布○曰○吾○有○赤○兔○馬○渡○水○如○平○地○又○  
何○懼○哉○公○則○無○懼○矣○妻○小○奈○何○乃○日○與○妻○妾○痛○飲○美○酒○只○顧○  
自○己○

吃○酒○不○顧○恐○不○能○盡○馱○在○背○上○也○因○酒○色○過○傷○形○容○銷○滅○一○日○取○鏡○自○照○驚○曰○吾○被○  
他○人○吃○水○因○酒○色○過○傷○形○容○銷○滅○一○日○取○鏡○自○照○惊○曰○吾○被○  
酒○色○傷○矣○自○今○日○始○當○戒○之○遂○下○令○城○中○但○有○飲○酒○者○皆○斬○

第一才子書

不○戒○色○則○戒○酒○自○已○害○却○說○侯○成○有○馬○十○五○匹○被○後○槽○人○盜○  
酒○却○戒○別○人○飲○酒○可○笑○將○易○侯○成○盜○馬○獻○曹○操○先○寫○後○侯○成○知○覺○追○  
去○欲○獻○與○玄○德○槽○人○盜○馬○獻○玄○德○天○然○奇○妙○侯○成○知○覺○追○

殺○後○槽○人○將○馬○奪○回○諸○將○與○侯○成○作○賀○夫○馬○安○知○非○福○得○馬○  
安○知○非○禍○嗟○哉○將○  
不○若○塞○翁○侯○成○釀○得○五○六○斛○酒○欲○與○諸○將○會○飲○爲○游○釜○之○魚○  
既○

之○高○見○矣○會○賓○客○者○亦○作○處○堂○之○恐○呂○布○見○罪○乃○先○以○酒○五○瓶○請○布○府○  
燕○有○其○上○必○有○其○下○也○燕○有○其○上○必○有○其○下○也○侯○成○曰○吾○方○禁○酒○汝○却○釀○  
稟○曰○托○將○軍○虎○威○追○得○失○馬○衆○將○皆○來○作○賀○釀○得○些○酒○未○敢○

擅○飲○特○先○奉○上○微○意○亦○可○謂○詞○禮○交○至○矣○布○大○怒○曰○吾○方○禁○酒○汝○却○釀○  
酒○會○飲○莫○非○同○謀○伐○我○乎○此○語○實○啓○命○推○出○斬○之○罪○不○至○此○  
酒○誥○註○曰○

子○其○殺○者○宋○憲○魏○續○等○諸○將○俱○入○告○饒○布○曰○故○犯○吾○令○理○合○  
未○必○殺○也○飛○打○曹○豹○一○樣○打○法○但○打○曹○然○後○放○歸○衆○將○無○不○喪○氣○宋○憲○  
張○



稍退此時宋魏二人不即布少憩門樓此門樓其卽白門樓耶不覺睡

着在椅上既非酒醉宋憲趕退左右先盜其畫戟侯成盜馬

正相對被責者侯成而首欲擒布者及是魏續首便與魏

續一齊動手將呂布繩纏索紮緊縛住於二人夫非二人

之能縛布也布實自縛於其妻妾布從睡夢中驚醒急喚左

耳緊緊二字對後縛太急句

右却都被二人殺散把白旗一招曹兵齊至城下魏續大叫

已生擒呂布矣夏侯淵尚未信宋憲在城上擲下呂布畫戟

來典章之死雙歲先亡大開城門曹兵一擁而入高順張遼

在西門水圍難出為曹兵所擒陳宮奔至南門為徐晃所獲

曹操入城卽傳令退了所決之水出榜安民敘事一面與玄

德同坐白門樓上關張侍立於側提過擒獲一千人來呂布

第一才子書

卷一

雖然長大却被繩索網作一團真如布叫曰縛太急乞緩之

既已被縛陳登說他是鷹曹操曰縛虎不得不急操偏說他是虎布見侯成

魏續宋憲皆立於側乃謂之曰我待諸將不薄汝等何忍背

宋憲曰聽妻妾言不聽將計何謂不薄責備布默然其貫沒

須臾衆擁高順至操問曰汝有何言順不答亦操怒命斬之

徐晃解陳宮至操曰公臺別來無恙輕薄官曰汝心術不正

吾故棄汝操曰吾心不正公又奈何獨事呂布亦責備官曰

布雖無謀不似你詭詐奸險操曰公自謂足智多謀今竟何

如奸官顧呂布曰恨此人不從吾言若從吾言未必被擒

也操曰今日之事當如何問得官大聲曰今日有死而已操

此問官必如此答使操而有良心者念其昔日活我之恩則

竟釋之釋之而不降則竟縱之縱之而彼又來圖我而又獲

之然後聽其自殺此則仁人君操曰公如是奈公之老母妻

子之用也而操非其倫也談及老母妻子中牟縣初遇時曾此處遙應前文

者不害人之親施仁政於天下者不絕人之祀老母妻子之

存亡亦在於明公耳吾身既被擒請即就戮並無挂念並無

語操有留戀之意假惺惺不記前城上射箭時發很要殺之耶宮徑步下樓左右

牽之不住硬漢操起身泣而送之假惺宮並不回顧硬操謂從

者曰即送公臺老母妻子回許都養老怠慢者斬一味權詐

妻亦為卷中殺妻戀妻等事作餘彼宮聞言亦不開口伸頸就刑硬眾皆下淚

操以棺槨盛其尸宮初獲操而不殺客店欲殺而葬於許都不果宮之活操者再矣而操不

一活之操真狠人哉後人有詩嘆之曰

生死無二志 丈夫何壯哉 不從金石論 空負棟梁材

第一才子書

輔主真堪敬 辭親實可哀 白門身死日 誰肯似公臺

方操送宮下樓時布告玄德曰公為坐上客布為階下囚何

不發一言而相寬乎官何硬玄德點頭及操上樓來布叫曰

明公所患不過於布布今已服矣公為大將布副之天下不

難定也布言如此備愈不肯出言相寬矣操回顧玄德曰何如操意已動玄德答

曰公不見丁建陽董卓之事乎妙極似布目視玄德曰是兒

最無信者聊以操令牽下樓縊之布回顧玄德曰大耳兒不

記轅門射戟時耶操則負官備不為負布忽一人大叫曰

呂布匹夫死則死耳何懼之有未罵曹操先罵呂布未說自

是妙眾視之乃刀斧手擁張遼至已不怕死先罵呂布怕死大

人寫呂布陳宮張遼高順陸續擒至各有一樣身分

操令將呂布縊死然後梟首後人有詩嘆曰

洪水滔滔淹下邳，當年呂布受擒時。空如赤兔馬千里，漫有方天戟一槩。溥虎望寬今太懦，養鷹休飽肯無疑。戀妻不納陳宮諫，枉罵無恩大耳兒。

又有詩論玄德曰

傷人餓虎縛休寬，董卓丁原血未乾。

玄德既知能啖父，爭如留取害曹瞞。

却說武士擁張遼至，操指遼曰：這人奸生面善，遼曰：漢陽城中曾相遇，如何忘却？操笑曰：你原來也記得。遼曰：只是可惜。

奇語忽發，操曰：可惜甚的？遼曰：可惜當日火不大，不曾燒死你這

國賊。因今日之水趕起，操大怒曰：敗將安敢辱吾？拔劍在手。

親自來殺張遼。恨惡身張遼全無懼色，引頸待殺。所謂死則死耳，何懼

第一才子書

卷十

十六

之曹操背後一人，鑿住脰，臄一人跪於面前，說道：丞相且莫

下手，正是

乞哀呂布無人救，罵賊張遼反得生。

異竟救張遼的是誰？且聽下文分解。

第二十回

曹阿瞞許田打圍

董國舅內閣受詔

趙高以指鹿察左右之順逆，曹操以射鹿驗衆心之從。

違奸臣心事，何其前後如出一轍也。坐於借弓不還，始

而假借，既且實受，豈獨一弓爲然哉？即天位亦猶是爾。

河陽之狩，以臣各君許田之獵，以上從下，皆非天子意。

也。然重耳率諸侯以朝王曹操代天子而受賀操於是不得復爲重耳矣。

雲長之欲殺操爲人臣明大義也。玄德之不欲殺爲君父謀萬全也。君側之惡除之最難。前後左右皆其腹心。瓜牙殺之而禍及我身。猶可耳。殺之而禍及君父。則不爲功之首而反爲罪之魁矣。可不慎哉。

董承前曾拒催汜以救駕。今若能誅曹操是再救駕也。馬騰前同韓遂攻催汜曾受密詔。今同董承謀曹操是再受詔也。前之救駕是實事而後之救駕是虛談。前之受詔用虛敘而後之受詔用實寫。一虛一實參差變換各各入妙。又妙在七人受詔處。或自受或因人所受以

第一才子書

卷五

十七

爲受或先見詔或後見詔或約來或自至或兩人同來或一人獨至或潛然淚下或咬牙切齒文官有文官身分武臣有武臣氣槩人人不同人人如畫真敘事妙品。曹操無君之罪。至許田射鹿而大彰明較著矣。人臣無將將而必誅。袁術之儻其既然者也。曹操之篡其將然者也。將之與旣厥罪雜均。故自有衣帶詔之後。凡興兵討操者俱大書討賊以予之。

前有謀誅宦豎之何國舅。後有謀誅奸相之董國舅。遙相對。然二人不可同年而語矣。進有鳩董后之罪。承有拒李傕之功。進則靈帝嘗欲殺之。承則獻帝傾心托之。乃二人之賢否不同而同於政者。進之失在不斷承。

之失在不密君不密則失臣臣不密則失身事欲其秘何必歎血會飲跡恐其露何必立券書名雖然謀事在人成事在天天不祚漢無徒爲董承咎也

詔說曹操舉劍欲殺張遼玄德攀住臂膊雲長跪於面前玄德曰此等赤心之人正當留用雲長曰關某素知文遠忠義之士願以性命保之爲後文張遼十操擲劍笑曰我亦知文

遠忠義故戲之耳恐他人做了人情便說自家乃親釋其縛解衣衣之延之上坐是戲奸雄權變真不可及要殺則親自拔劍不殺則解衣延坐怒

真不遑感其意遂降操拜遼爲中郎將賜爵關內侯使招安臧霸霸聞呂布已死張遼已降遂亦引本部軍投降操厚賞

之臧霸又招安孫觀吳敦尹禮來降獨昌豨未肯歸順操封

第一才子書

卷十

六

臧霸爲瑯琊相孫觀等亦各加官令守青徐沿海地而將呂

布妻女載回許都未識貂蟬亦在其中否自此大犒三軍按寨班師路過徐州百姓焚香遮道請留劉使君爲牧操曰劉

使君功大且待面君封爵回來未遲操自欲取徐州而百姓不欲以子儀明矣叩謝操喚車騎將軍車胃權領徐州爲後文關公斬車胃張本操軍回許

昌封賞出征人員留玄德在相府左近宅院歇定次日獻帝設朝操表奏玄德軍功引玄德見帝玄德具朝服拜於丹墀

帝宣上殿問曰卿祖何人玄德奏曰臣乃中山靖王之後孝景皇帝閣下玄孫劉雄之孫劉弘之子也首卷中已敘過此又於玄德口中自

敘帝教取宗族世譜檢看令宗正卿宣讀曰

孝景皇帝生十四子第七子乃中山靖王劉勝勝生陸城

亭侯劉貞貞生沛侯劉昂昂生漳侯劉祿祿生沂水侯劉  
戀戀生欽陽侯劉英英生安國侯劉建建生廣陵侯劉哀  
哀生膠水侯劉憲憲生祖邑侯劉舒舒生祁陽侯劉諶諶  
生原澤侯劉必必生潁川侯劉達達生豐靈侯劉不疑不  
疑生濟川侯劉惠惠生東郡范令劉雄雄生劉弘弘不仕  
劉備乃劉弘子也

帝排世譜則玄德乃帝之叔也。歷按宗譜章章可考正。為後文繼漢正統張本。帝大

喜請入偏殿敘叔姪之禮。帝暗思曹操弄權國事都不由朕

主。今得此英雄之叔朕有助矣。帝亦有眼力。遂拜玄德為左將軍

宜城亭侯。皇帝面封封得冠冕。設宴款待畢玄德謝恩出朝。目此人皆

稱為劉皇叔曹操回府荀彧等一班謀士入見曰天子認劉

第一才子書

卷十

備為叔恐無益於明公操曰彼既認為皇叔吾以天子之詔

令之彼愈不敢不服矣。况吾留彼任許都名雖近君實在吾

掌握之內吾何懼哉。操不使備留徐州正是此意。吾所慮者太尉楊彪係

袁術親戚倘與二袁為內應為害不淺當即除之。乃密使人

誣告彪交通袁術遂收彪下獄命滿寵按治之。前彪實勸帝名操今操即

害彪老賊時北海太守孔融在許都。孔融自玄德北海解圍後至此第二番出現

因諫操曰楊公四世清德豈可因袁氏而罪之乎。操曰此朝

廷意也。融曰使成王殺召公周公可得言不知耶。操不得已

乃免彪官放歸田里。彪則幸免而操之忌融自此始矣。議郎趙彥憤操專橫

上疏劾操不奉帝旨擅收大臣之罪。操大怒即收趙彥殺之。殺趙彥收楊彪一於是百官無不悚懼謀士程昱說操曰今

明公威名日盛。何不乘此時行王霸之事。操曰：朝廷股肱尚多，未可輕動。吾當請天子田獵，以觀動靜。觀動靜者，觀左右之順逆也。於

是揀選良馬名鷹俊犬，弓矢俱備，先聚兵城外。操入請天子田獵，帝曰：田獵恐非正道。絕非亡國之君之言。何天之不祐漢也。操曰：古之帝

王春蒐夏苗，秋獮冬狩，四時出郊，以示武於天下。今四海擾攘之時，正當借田獵以講武帝，不敢不從。周宣王之獵於東，都是天子當湯漢

獻帝之獵於許田，是權臣耀武隨，即上逍遙馬，帶寶雕弓，金鈚箭，排鑿駕出田。音皮。

城玄德與關張各彎弓插箭，內穿掩心甲，手持兵器，引數千騎隨駕出許昌。滿朝文武獨詳敘劉關張，曹操騎瓜黃飛電，正為關公欲殺曹操張本。

馬引十萬之眾，與天子獵於許田。軍士排開圍場，週廣二百餘里。操與天子並馬而行，只爭一馬頭。背後都是操之心腹。

第一才子書

卷一

將校。可知此時殺曹操不得。文武百官遠侍從，誰敢近前。當日獻帝

馳馬到許田，劉玄德起居道旁，帝曰：朕今欲看皇叔射獵。玄德領命，上馬忽草中趕起一兔。玄德射之一箭正中，那兔有

曹操射鹿，先有玄德射兔以引之。帝喝采，轉過土坡，忽見荆棘叢中趕出一隻大鹿。帝連射三箭不中，顧謂操曰：卿射之。操就討天子寶

雕弓，金鈚箭，扣滿一箭，正中鹿背，倒於草中。漢失其鹿為操所得，正魏代漢

也。之兆。羣臣將校見了金鈚箭，只道天子射中都，踴躍向帝呼。萬歲。曹操縱馬直出，遮於天子之前，以迎受之。弓箭可借萬

操之儼然迎受，正以觀衆皆失色。此句內伏下。玄德背後雲長觀衆人之動靜也。馬騰一班人，玄德背後雲長大怒，別起臥蠶眉，睜開丹鳳眼，提刀拍馬，便要斬曹操。氣

凜凜鬚。哥如者玄德見了，慌忙搖手送目。關公見兄如此，便不敢動。

玄德欠身向操稱賀曰丞相神射世所罕及如此涵養是英雄權變是帝王

量操笑曰此天子洪福耳乃回馬向天子稱賀竟不獻還寶雕弓就自懸帶袁術竊玉曹操竊弓不意一時遂有二陽貨圍場已罷宴於許田

宴畢駕回許都眾人各自歸歇雲長問玄德曰操賊欺君罔上我欲殺之為國除害見何止我玄德曰投鼠忌器操與帝

相離只一馬頭其心腹之人週迴擁侍吾弟若逞一時之怒輕有舉動倘事不成有傷天子罪及坐我等矣大有斟酌雲長曰

今日不殺此賊後必為禍玄德曰且宜秘之不可輕言雲長耐不

得玄德耐得却說獻帝回宮泣謂伏皇后曰朕自即位以來奸雄並起先受董卓之殃後遭催汜之亂常人未受之若吾與汝

當之後得曹操以為社稷之臣通應不意專國弄權擅作威

福朕每見之背若芒刺今日在圍場上身迎呼賀無禮已極早晚必有異謀吾夫婦不知死所也異日曹操行兇先害董

密謀却因伏后乃及董妃伏皇后曰滿朝公卿俱食漢祿竟無一人能救國難乎言未畢忽一人自外而入曰帝后休憂吾舉一人可

除國害帝視之乃伏皇后之父伏完也伏完之死在後董承之死在先今却於董

承之前先將伏完引線敘事妙帝掩淚問曰皇丈亦知操賊之專橫乎完

曰許田射鹿之事誰不見之但滿朝之中非操宗族則其門下若非國戚誰肯盡忠討賊老臣無權難行此事車騎將軍

國舅董承可托也因一國戚又引出一國戚帝曰董國舅多赴國難朕躬

素知可宣入內共議大事完曰陛下左右皆操賊心腹倘事泄為禍不淺帝曰然則奈何完曰臣有一計陛下可製衣一

第一才子書

卷十

三

領取玉帶一條密賜董承却於帶襯內縫一密詔以賜之令

到家見詔可以晝夜畫策神鬼不覺矣衣帶詔之謀出自伏完而伏完偏不在董

承等七人之內却留在後文帝然之伏完辭出帝乃自作一

密詔咬破指尖以血寫之臣有刺血上表者矣未有天子而

暗令伏皇后縫於玉帶紫錦襯內却自穿錦袍自繫此帶令

內史宣董承入承見帝禮畢帝曰朕夜來與后說霸河之昔

念國舅大功故特宣入慰勞承頓首謝帝引承出殿到太廟

轉上功臣閣內帝焚香禮畢引承觀畫像中間畫漢高祖容

像帝曰吾高祖皇帝起身何地如何創業將說自己承大驚

曰陛下戲臣耳聖祖之事何為不知高皇帝起自泗上亭長

提三尺劍斬蛇起義縱橫四海三載亡秦五年滅楚遂有天

第一才子書

卷十

下立萬世之基業與首卷起處帝曰祖宗如此英雄子孫如

此懦弱豈不可嘆因指左右二輔之像曰此二人非留侯張

良鄼侯蕭何耶將命董承先承曰然也高祖開基創業實賴

二人之力帝回顧左右較遠乃密謂承曰卿亦當如此二人

立於朕側方入承曰臣無寸功何以當此帝曰朕想卿西都

救駕之功未嘗少忘無可為賜因指所製袍帶曰卿當衣朕

此袍繫朕此帶常如在朕左右也承頓首謝帝解袍帶賜承

意是在帶却密語曰卿歸可細視之勿負朕意承會意穿袍

繫帶辭帝下閣早有人報知曹操曰帝與董承登功臣閣說

話操即入朝來看董承出閣纔過宮門恰遇操來急無躲避

處急只得立於路側施禮操問曰國舅何來承曰適蒙天子

宜召賜以綿袍玉帶。操問曰：何故見賜？承曰：因念某昔日西

都救駕之功，故有此賜。操曰：解帶我看。急殺承心知衣帶中

必有密詔，恐操看破，遲延不解。操叱左右急解下來。急殺何

如看了半晌，笑曰：果然是條好玉帶。再脫下錦袍來借看。承

心中畏懼，不敢不從。遂脫袍獻上。帶不自解，袍却自脫。操親

自以手提起，對日影中細細詳看，看畢，自己穿在身上，繫了

玉帶，回顧左右曰：長短如何？故為賣弄好看。左右稱美。操謂

承曰：國舅即以此袍帶轉賜與吾，何如？急殺承告曰：君

恩所賜，不敢轉贈，容其別製奉獻。操曰：國舅受此衣帶，莫非

其中有謀乎？承驚曰：某焉敢。丞相如要便當留下。操曰：公

受君賜，吾何相奪？聊為戲耳。遂脫袍帶還承。董承不肯藏，操

第一才子書

戲操便不要好。承辭操歸家至夜，獨坐書院中，將袍仔細反

覆看了，並無一物。曹操細看袍，董承息曰：天子賜我袍帶，命

我細觀，必非無意。今不見甚踪跡，何也？隨又取玉帶檢看，乃

白玉玲瓏碾成小龍穿花背，用紫錦為襯，縫綴端整，亦並無

一物。承心疑，放於桌上，反覆尋之。操見袍中無物，故不更疑

更猜良久，倦甚，正欲伏几而寢，忽然燈花落於帶上，燒着背

觀承驚狀，之已燒破一處，微露素絹，隱見血跡。急取刀拆開

視之，乃天子手書血字密詔也。不用自己尋着，却用詔曰：

朕聞人倫之大，父子為先，尊卑之殊，君臣為重。近日操賊

弄權欺壓君父，結連黨伍，敗壞朝綱，勅賞封爵，不由朕主

朕夙夜憂思，恐天下將危，卿乃國之大臣，朕之至戚，當念

朕夙夜憂思，恐天下將危，卿乃國之大臣，朕之至戚，當念

朕夙夜憂思，恐天下將危，卿乃國之大臣，朕之至戚，當念

皇帝創業之艱難，糾合忠義兩全之烈士，殄滅奸黨，復安社稷。祖宗幸甚，被指酒血書詔付卿，再四慎之，勿負朕意。  
建安四年春三月詔

董承覽畢，涕淚交流，一夜寢不能寐。為下文隱几晨起復至書院中將詔再三觀看，無計可施，乃放詔於几上，沉思滅操之計，忖量未定，隱几而臥。因一夜不忽侍郎王子服至門吏却子服與董承交厚，不敢攔阻，竟入書院見承伏几不醒，袖底壓着素絹微露朕字。形容得妙與董承子燈花燒子服疑之，默取看畢，藏於袖中。又為董承呼承曰：國舅好自在，虧你如何睡得着。只因一夜睡不着承驚覺不見詔書，魂不附體，手脚慌亂。子服曰：汝欲殺曹公，吾當出首。急承泣告曰：若兄

第一才子書

卷十

如此漢室休矣。子服曰：吾戲耳。吾祖宗世食漢祿，豈無忠心願助兄一臂之力，共誅國賊。承曰：兄有此心，國之大幸。子服

曰：當於密室同立義狀。開口便要立盟書，頗覺各捨三族以

報漢君。其言不祥承大喜，取白絹一幅，先書名畫字。子服亦即書

名畫字。書畢，子服曰：將軍吳子蘭與吾至厚，可與同謀。子服

之承曰：滿朝大臣，惟有長水校尉種輯議郎吳碩是吾心腹

必能與我同事。董承又引出二人正商議間，家僮入報：種輯吳碩來

探，求得承曰：此天助我也。教子服暫避於屏後。避得承

接一人入書院，坐定茶畢，輯曰：許田射獵之事，君亦懷恨乎？

承曰：雖懷恨，無可奈何。碩曰：吾誓殺此賊，恨無助我者耳。輯

曰：為國除害，雖死無怨。不用董承先說，却王子服從屏後出

曰汝二人欲殺曹丞相我當出首董國舅便是證見亦不用  
順接挑不用種輯怒曰忠臣不怕死吾等死作漢鬼強似你阿附國

賊同一逆挑之語而董承聞之着承笑曰吾等正爲此事欲  
見二公王侍郎之言乃戲耳便於袖中取出詔來與二人看

一人讀詔揮淚不止承遂請書名子服曰二公在此少待吾  
去請吳子蘭來子服去不多時卽同子蘭至兩人自來一人

與衆相見亦書名畢承邀於後堂會飲忽報西涼太守馬騰  
相探又一猶承曰只推我病不能接見門吏回報騰大怒曰

我夜來在東華門外親見他錦袍玉帶而出又將袍故推  
病耶吾非無事而來奈何拒我門吏入報備言騰怒承起曰

諸公少待暫容承出隨卽出廳延接禮畢坐定騰曰騰入觀  
第一才子書

將還故來相辭何見拒也承曰賤軀暴疾有失迎候罪甚騰  
曰面帶春色未見病容承無言可答騰拂袖便起自來的幾

嗟嘆下階曰皆非救國之人也承感其言挽留之彼來則拒  
留之俱之彼去則用逆寫問曰公謂何人非救國之人騰曰許田射獵之事吾

尚氣滿胸膛公乃國之至戚猶自帶於酒色而不思討賊安  
得爲皇家救難扶災之人乎承恐其詐佯驚曰曹丞相乃國

之大臣朝廷所倚賴公何出此言純用逆騰大怒曰汝尚以  
曹賊爲好人耶承曰耳目甚近請公低聲前用王子服反說

騰正告董承又騰曰貪生怕死之徒不足以論大事說罷又  
說又各不同董承正告此用馬欲起身寫馬騰與董承落塔難合又非承知騰忠義乃曰公

且息怒其請公看一物遂邀騰入書院取詔示之騰讀畢毛

駭倒豎咬齒嚼唇滿口流血騎馬騰又是馬騰身謂承曰公  
若有舉動吾卽統西涼兵爲外應承請騰與諸公相見取出  
義狀教騰書名騰乃取酒歃血爲盟天子刺血馬騰嚼血六  
引動一曰吾等誓死不負所約其言亦指坐上五人言曰若  
得十人大事諧矣承曰忠義之士不可多得若所與非人則  
反相害矣人少做不得人騰教取鸞行鷺序簿來檢看檢到  
劉氏宗族乃拍手言曰何不共此人商議因外戚騰出一外  
出宗室衆皆問何人馬騰不慌不忙說出那人來正是  
本因國舅承明詔 又見宗黃佐漢朝

畢竟馬騰之言如何且聽下文分解

